

RUNZIRO

 Baba vedu veKudenga, zvirokwazvo tinotenda masikati ano nekuda kweuyu, mumwe mukana wekumira mupurupiti, kuti tizivise hupfumi husingatsvakike hwajesu Kristu, kunyika iri kufa iyo isina Mwari, isina Kristu, isina tariro, uye isina tariro yekuenda naJesu apo paAnouya. Uye tiri kuedza, Ishe, kuratidza Jesu Kristu kumarudzi. Uye apo takaungana pano masikati ano, dai Mweya Mutsvene wataura pamwe nekudziisa mwoyo yedu, uye wotikurudzira muNzira, dai varwere vakapodzwa uye vatadzi vakaponeswa, uye avo vakaodzwa mwoyo vakakurudzirwa. Uye dai Mwari vagamuchira zvose mbiri pamwe nekukudzwa, uye dai zvikapihwa kuZita raKe, nekuti ndicho chinangwa chedu. Nekuti tinozvikumbira muZita rajesu. Ameni.

Garai pasi.

² Ndiri kufara masikati ano kumira pano zvekare, uye paBeaumont. Uye ndinowanzogara ndakaneta. Ndakanga ndichingoenda kubva paKisimus, ndisingamire. Hazvisi pakuparidza kwakawanda uko kwandinoita, zvinondiita kuti ndinge ndakaneta. Zviratidzo ndizvo zvinondiita kuti ndinge ndakaneta. Ishe vedu, chimwe chete chakaVaita kuti vacheuke, uye vachiti simba raVo rakanga raVasiya. Chiratidzo chimwe chete pamuporofita, Dhanieri, iye akati akatambudzika mumusoro wake kwemazuva akawanda. Uye saka isu—isu hatigone kutsanangura zvinhu izvozvo. Tinongoziva kuti zvakadaro, uye hapana anoziva zviri nani kupinda avo vazvinenge zvaitika kwavari. Uye saka tiri kufara, zvakadaro. Zvandiri kuedza kuita kushandisa chipo chechiporofita pabasa rekuvhanger, uye hazvingoshande nenzira iyoyo, zvakanaka. Zvakaoma kwazvo.

³ Saka, asi ndinoda kutaura izvi, kana ndichinge ndasvika kumagumo enzira, uye kana guta rino pano richinge rosimuka, uye kana chi...chizvarwa chino chemumazuva ekupedzisira, ini—ini handidi ropa remunhu upi zvake pandiri. Ndinoda kunge ndakasununguka kubva kuropa rose. Uye ndakaedza nepose pandinogona napo ku—kuiratidza nenzira yeMagwaro, shumiro ino iyo yandakapihwa naShe, nenzira yose yandinoziva kuita nayo. Uye ndinoziva Mweya Mutsvene, nenyasha dzaKe, unonditendera kuti ndirarame saizvozvo, zvekuti handifunge kuti pakambova nemhosho.

⁴ Ndinotenda kune Hama Pearry Green uye nekune hama idzi dziri pano dzakaisa kushingaira kwadzo kuitira kuti musangano uno ubudirire. Kana pakava nemumwe munhu akarasika, muguta rino, muchizvarwa chino, zvirokwazvo

hazvizove pamusoro pevarume ava, nekuti vakapidigura dombo rimwe nerimwe vachiedza kuita kuti u—ubudirire. Vachipa vanhu zvekudya, nekuwanira nzvimbo dzekurara, uye—uye nepaterevhizheni, kwese-kwese, vachingoburitsa mari kubva muhomwe dzavo uye vachiisa kunze chaiko, kuitira kuti... Ivo vaiziva kuti ru—ru—ruzhinji rwevanhu rwatinarwo harwaigona kutsigira zvakadaro, uye saka vakaitora kubva muhomwe dzavo, kuti vazviite.

⁵ Saka ndinofunga kuti izvozvo zvakanakisa kwazvo, semumwe munhu ane chiratidzo chakadaro. Ndinotenda kuti zvakanzi muna VaHebheru, chitsauko 11, “Avo nyika haina kufanirwa navo.” Uye kuomesa mitsipa yavo, munguva iyo apo shu—shumiro isiri kufarirwa zvakanyanya pakati pevanhu vakawanda avo vanofanira kuitenda. Avo vacho...

⁶ Zvakataurwa nevvazvo, asi, kana chimwe chinhu chikaitika, zvadaro vanobva vakundika kuzviona. Asi zvinongofanira kuve zvakadaro. Iwe—iwe unofanira kungoswatanudza mapendekete ako wofamba uchienda, kuziva izvozvo. Rangarirai, imi musati mauya, zvaiva chinhu chimwe chete. Vanofora vachidzika zasi chaiko nemugwagwa zvime chetezvo. Vanhu havana kumbobbira vaziva nguva yavo yekushanyirwa. Hapana kana mumwe wevaporofita akatombozivikanwa.

⁷ Jesu akati, “Ndimi makavaisa mumakuva. Mave kushongedza makuva avo zvino. Imi ndimi vacho makavaisa imomo. Ndeupi uyo akatumwa naMwari wamusina kutambudza uye mukauraya?”

⁸ Ngatizvitorei kubva ipapo tichienda mberi. Zvichidzika kuburikidza nemuna Martin Luther, uye zvichidzika zvakadaro, zvakanaka, Irenaeus, naMutsvene Martin. Uye nevamwe vose zvichidzika kuburikidza nemumazera zvakanga zviri zvime chetezvo, kunyangwe kuna Jona...Joan wekwa Arc, muporofitakadzi waIshe.

⁹ Uye imi vanhu vechiKatorike. Apo mudzimai iyeye aiona zviratidzo, nezvime zvakadaro, uye achizvitura, izvo zvaiitika sekutura kwaaiinge aita. Ko imi chii chamakaita? Makamupisa padanda, muchiti muroyi. Kwaperera makore angaita mazana maviri, makabengenuka mukaona izvo zvamakanga maita. Hongu, vakazviranga, vakachera mitumbi yevapratisa avo vakamuita kuti apiswe, vakaikandira murwizi. Ikoko kuzviranga kukuru kwekuita. Vakakundikana.

¹⁰ Ivo vakati Mutsvene Patrick aive muRoma Katorike. Chero munhu upi anoziva nhoroondo anoziva kuti izvozvo handizvo. Iye zvemazvirokwazvo, zvakasimba, aisawirirana napapa. Akange asingaende kunogara...Iye—iye haaimbozvitenda zvachose. Sucat ndiro raiva zita rake; rakanga risiri Mutsvene Patrick. Asi shure kwekunge afa aenda, uye ndokuuraya zviuru zvezvana vase. Zvikoro zvake, haaimbotendera muchinjikwa

kana chimwewo chinhu kuti chive muzvikoro zvake, uye zvichiri zvakadaro, kumusoro mu Northern Ireland nhasi, chinhu chimwe chete. Iye—iye haaimbotendera izvozvo kuti zvipinde muzvikoro zvake. Akati, “Vanhu vaizonge vachitarisa mifananidzo, panzvimbio yezvaanoda kuti vaone.” Aiva nesimba reMweya Mutsvene. Aitaura nendimi. Aiva nezvishamiso nezviratidzo zvikuru. Ko sei chechi isingaparidze izvozvo nhasi? Maona?

¹¹ Uye vanhu vose ivavo, havana kumbovaziva kusvikira vaenda, vafa, zvadaro toedza kuvaka makuva avo. Ichokwadi kuti tiri kurarama mu...

¹² Chechi yagara nguva dzose ichirarama muchadzera chechiederza cherimwe zuva. Uye, ipapoka, chadzera chiedza chenhema. Chii chinonzi chadzera? Chakafanana nehwerazuva iri pamugwagwa. Zuva rinopenyera pasi uye rogaadzira hwerazuva. Inotaridzika semvura, asi, iyo, haugone kusvika kwairi; haipo. Ndizvo nzira yazvinoitwa nevanhu nhasi. Vari kuvimbisa chimwe chinhu chichange chiri kure, kana kuti chimwe chinhu chiri kumashure uko, kana kuti kumusoro-soro kuno, asi havasvike kwachiri.

¹³ Ndinotenda zvikuru kuti Mwari vedu havasi Mwari vakadaro. “Ivo mumwe chete zuro, nhasi, nokusingaperi.” Tinosvika kwazviri kana tichinge tazvitenda. Zviri ipapo chaipo, zvose zvakavimbiswa zvezera. Zvinozviita kuti zviome, asi zvakadaro sezvatinofanira kuenderera mberi zvime chete, tichitenda.

¹⁴ Uye zvirokwazvo ndinokutendai mose nemushandirapamwe wenyu wakanaka apo tiri muno muguta.

¹⁵ Ndakanga ndiri muno makore akawanda apfuura neshamwari yangu yekare, Hama Bosworth, naRaymond Richey, nedzimwe hama zhinji dzakauya kuno. Ndichiri kutenda Vhangeri rimwe chete. Handina kumboshanduka nepadiki zvapo; chichingori chinhu chimwe chete. Asi, munona, rumutsiriro rwakanga rwuchiederera mberi ipapo. Uye apo pasina rumutsiriro, haugone kuita kuti zvinhu zviitwe.

¹⁶ Shumiro yave mberi zvakanyanya. Yakanga ichikutaurirai, ipapo, kuti izvi zvaizouya. Vangani vanozvirangarira izvozvo? Chokwadi, munodaro. Uye ndokuuya chaizvo-izvo sekutura kwayakaita kuti yaizoita.

¹⁷ Zvadaro ndaizotora vanhu uye ndoturika maoko angu pavari; ndakakuudzai izvo zvaAkandiudza, uye ndiyo nzira yazvakangoitika nayo. Ndizvozvo chaizvo. Hazvina kumbobvira zvakakundikana pakuve chokwadi, nguva imwe neimwe, saka zvinofanira kubva kuna Mwari. Hapana aigona kuzvipokana izvozvo. Asi, muri kuona, rumutsiriro harwusi kuenderera.

¹⁸ Hupo hwako chete, kufamba uchipinda pane muvanhu, hongu, vanhu vaisimuka vachibva panhowo nepamasitirecha, uye vofamba kwese-kwese. Ukangoturika maoko ako pavari,

zvino, ini zvangu, izvozvo zvinongovaita kuti vobva vazeya. Ndakaona mitsara apo painge pane mazana mana nemazana mashanu evanhу vachiuya nemumitsara, matsi, zvimumumu, mapofu, vakapesana meso, uye hapana kana mumwe wavo akakundika asi kuti vakapodzwa, mumwe nemumwe wavo.

¹⁹ Zviedzei nhasi. Munoonaa, hapana moto. MuRome, apo mo—moto pawakadzima mutemberi paVista, vanhu vakaenda kumba. Maona? Zvino hapana moto werumutsiriro wekuzvitsigira, munoonaa, zviri, ndizvo zvazvinongori.

²⁰ Shure kwechinguva, kana nyika ichiri yakamira, vachatanga kurarama muchadzera zvekare. Maona? Uye ndiyo nzira yavzaiitika nayo nguva dzose, zvaidarika nepamusoro uye zvovapotsa; uye chizvarwa ichocco chichatongwa nekuda kwezvakapfuura nepamusoro pavo, vakatadza kuzviona.

²¹ Jesu Kristu mupenyu masikati ano. Ari kufamba-famba pano pamwe nesu zvino. Anogara aripo. “Pose panoungana vaviri kana vatatu muZita raNgu, Ndiri pakati pavo.” Tendai izvozvo, hamungadaro here? [Ungano inoti, “Ameni.”—Mupepeti]

²² Ndinotarira, kana Ishe vakanonoka, ndinozodzoka uye ndova nemi imwe nguva, zvekare. Kana ndikasazokuonai zvekare; kana ndichinge ndasangana nemi ipapo paChigaro cheKutonga chaKristu, apo patichasangana tose, rangerirai, ndakakuudzai Chokwadi. Ndichange ndichingotaura izvozvo apo pandichasangana nemi Ipapo. Kusvika panguva iyoyo, dai Ishe vakeuropafadzai, zvakanyanya.

²³ Ndinamatireiwo. Ndinoda minamato yenu. Handisisiri mudiki sezwandaive kumashure. Zvingaite makore gumi nemaviri, gumi nemana apfuura.

²⁴ Uye mumwe munhu akandivhunza rimwe zuva, akati, “Mune makore mangani, Hama Branham?”

²⁵ Ini ndikati, “Ndichangodarika makumi maviri nemashanu.” Ndikati, “Makore makumi maviri nemashanu apfuura nda—ndakaadarika.” Uye ini... haudaro... Uno—unokwanisa kuzviona. Munhu bedzi...

²⁶ Kana uchinge waberekwa, unotanga kukura, sekenduru, kana kuti kubvira. Unotungidzwa, asi unokura kusvika wava sezvingaita makumi maviri nemaviri kusvika makumi maviri nematatu. Handina basa kuti unoziyenchengeta zvakanaka sei, unotanga kufa ipapo chaipo, uye unoramba uchiderera nekuderera kusvikira yapera kubvira.

²⁷ NdaKavhunza, muKiwanis rimwe zuva apo pandakanga ndiri kutaura, ndikati, “Ndinoda mumwe munhu...”

²⁸ Mumwe chiremba akandiudza, akati, “Handikwanise kutenda nyaya yaKristu, nekuti handikwanise kutenda

zvekuberekwa nemhandara.” Iye akati, “Handitendi kuti kune chinhu chakadaro.”

²⁹ Ini ndikati, “Kuberekwa kwepanyama hakutonzwisisike zvakanyanya kwandiri pane kuberekwa nemhandara.”

³⁰ Kuberekwa kwepanyama, tichiona kuti kunoitika sei, uye kuti sarudzo dzinorongwa sei, apo pazvinosangana, izai ripi, apo panenge pane zviviri zvezvizenga nezviuru zvemazai. Hazvisi zvekuti zviviri zvekutanga zvinosangana, zvinopedza nyaya yacho, asi zvichida...Iwe unoti, “Zvakanaka, kana zviviri zviri pamberi.” Oo, kwete. Maona, chinomira. Chimwe zvichida chinosimuka, chizenga kubva kumashure chaiko kwembewu, kudivi rino iri, uye zai repakati rinosarudza kuti anozove musikana here kana kuti mukomana, ane musoro mutema, musoro mutsvuku, meso ebhuruu, kana chero chipi chaanozova. Chimwe chinhu chinoita sarudzo iyoyo. Zvimwe zvose zvinobva zvaraswa.

³¹ Zvinoshamisa kwazvo kuona basa raMwari, uye zvadaro woona vanhu vane pfungwa duku dzinoguma, sezvatakaita, toedza kuramba mabasa aKe makuru!

³² Muchinda uyu akati kwandiri, zvakanaka, iye “akanga asingatende chero chipi zvachochakanga chisingagone kuratidzwa nesainzi.”

Ini ndikati, “Unotenda kuti une munhu wemukati here?”

Iye akati, “Chokwadi.”

³³ Ini ndikati, “Ndiratidze nesainzi kuti unaye.” Ndikati, “U-unotenda here kuti kune chinhu chakaita serudo?”

Iye akati, “Chokwadi.”

Ndikati, “Unoda mudzimai wako here?”

“Hongu.”

³⁴ Ndikati, “Saka iwe ndiratidze, nesainzi, ndechipi chikamu chako chinova rudo. Ndinoda kutenga rwumwe. Ndichaenda kuchitoro chezvemishonga, chero kupi kwavanorwutengesa. Ndinoda zhinji yarwo. Ndinoda kutenga rudo.” Maona? Chi...

³⁵ Nhumbi dzose dzekurwa nadzo dzaMwari ndedzemweya. Rudo, mufaro, rugare, mwoyo murefu, hunyoro, kupfava, kutsungirira, neMweya Mutsvene. Maona? Nhumbi dzose dzekurwa nadzo dzemutendi kutarisa kune Zvingaoneki, achitenda izvo zvinenge zvataurwa. Maona? Hauone zvaunotenda. Maona? Haudaro. Hauzvione, zvakadaro. Unoqvitarisa, nemeso ako; woona nemwoyo wako. Maona? Iwe unotarisa kune chero chinhu, woti, “Handisi kumbozviona,” unenge uchireva kuti hauzvinzwisisse. Maona?

³⁶ Saka ndakamuvhunza izvi, ndikati, “Dai ndanga ndine jagi remvura, uye ndoisa girazi pano. Zvino ndiri kudurura mvura ichibva mujagi iri, ichipinda mugirazi, uye rozara kusvika

pakati; uye zvadaro ndoramba ndichidurura mvura, zvino manje yotanga kudzikira zasi. Nenzira yesainzi ndiudze kuti mvura iri kuenda kupi.” Maona?

³⁷ Ndikati, “Pandakanga ndiri mukomana mudiki, ndine makore gumi nematanhatu ekuberekwa, ndaidya chikafu chimwe chete chandiri kudya iye zvino, bhinzi, chingwa, mbatatisi, nyama.” Ndikati, “Nguva yose yandaidsya, chaiitei? Chakavaka zvizenga zveropa, ndikawedzera kukura uye nekusimba, nguva dzose. Uye apo pandakasvika makore angaita makumi maviri nemaviri... Ndava kudya zvakawanda uye zviri nani zvino kupinda zvandaiita kumashure kwacho, nokuti ndakanga ndisinazvo ipapo kuti ndizvidye, asi ndava kudya zvakawanda uye zviri nani kupfuura zvandaiita. Zvino, ndava kukwegura pamwe nekupera simba. Uye, zvakadaro, chikafu ichocco chiri kuvaka zvizenga zveropa. Ndiri kuwedzera hupenyu hutsva nguva dzose, uye ndichiderera nguva dzose.” Inguva yakatarwa. Tichaichengeta, izvozvo zviri kuna Mwari. Ndizvozvo chaizvo. Tichadaro.

³⁸ Haugone kuratidza Mwari nenzira yesainzi. Unongotenda Mwari, uye unoMutenda maringe neShoko raKe.

³⁹ Zvino, masikati ano, ndinoda kutenda mumwe nemumwe wenyu. Hanzvadzi diki yakanaka iri pa—iri papiyano, uyu ari neche pano. Uye nemi mose vanhu, vashumiri, mumwe nemumwe wenyu, Ishe vakuropafadzei.

⁴⁰ Husiku hauzonyanyisi kusviba, mvura haizonyanyisi kunaya zvakasimba, asi kuti ndaizokubatsirai kana ndichikwanisa. Ndaigara ndichitaura kuti ndakwanisa kuuya kwauri, asi pava nevakawandisa kwazvo zvino. Kungoti, ndakanga ndiri pasi rose, muri kuona, uye ndekwese-kwese. Asi ingondiridzira nhare, kana kuti ndinyorere tsamba; ndinokutumira mucheka wemunamato, chero chinhu chipi zvachochi chandinokwanisa kuita, zvose zvinoitwa pachena zvachose. Hapana zvemari mune izvi. Maona? Chi...

⁴¹ Ndakachengeta misangano yangu yakaitsa seizvi kuitira kuti ndizokwanisa kuuya uko kwavanenge vasina kana mari. Ndakava nemusangano, pano nguva shoma yapfuura, mu—mutabhanakeri iyo yaipinda vanhu makumi maviri chete, misangano yehusiki huviri. Kwakanga kwakaipa kwazvo, nokutonhora kwakaderera zvingaita gumi kudzika pasi pezero, asi Ishe vakandituma ikoko uye zvinhu zvikuru zvakaitika.

⁴² Handina—handina zvirongwa zvakakura, redhiyo, terevhizheni, nezvime zvinhu zvose izvi. Dzimwe hama dzinazvo izvozvo. Ivo zvichida vakangwara, varume vana nyanjere. Ivo vanoziva zvekuita, uye Ishe vari kuzvitendera. Sezvakaita, Oral Roberts, uye murume akaita saye uyo anofanira kuwana zviuru zvemadhora pazuva, haagone kuita basa neimwe

nzira; uye izvozvo ndezvechikonzero chakanaka. Uye izvozvo hazvisi zvangu.

⁴³ Ini ndaida kuti yangu igare iri diki uye yakaninipa, chero kopi kwandinokwanisa kuenda, uye nechero kopi uko Mwari vanondidana. Handina chinondibata ipapo. Ndinongosimuka uye ndoenda chero kopi kwauri. Ndiyo shumiro yangu.

⁴⁴ Ndinamatirei, kuti Ishe vandibatsire kuchengeta Kutenda, uye kwete kutarisa kumashure; ndotarisa kumberi uko kwandiri kuenda. Kwete kutarisa uko kwandakange ndiri; ndotarisa uko kwandiri kuenda. "Tichikanganwa zvinhu izvo zviri kumashure, tinoshingaira takananga kunharidzano yekudanwa kukuru muna Kristu."

⁴⁵ Ndinoda kuverenga zvime kubva muBhaibheri raMwari, nhasi. Ndangosarudza chidzidzo chidiki, nokuti ndakutaurirai kuti ndichadzika kuno kuzonamatira vanorwara masikati ano. Vose avo vakabata makadhi emunamato, neavo vanoda kunamatirwa, zvichaitwa. Tichazviita izvozvo. Uye nguva dzose ndinoedza kuchengeta vimbiso yangu.

⁴⁶ Zvino, mumwe munhu, kana ukataura izvozvo, anoti, "Zvakanaka, imi makavimbisa kuva kune imwe nzvimbo."

⁴⁷ Ini handaimbozvipokana asi kuti pane nzvimbo ina kana kuti shanu muUnited States muno chaimo, idzo dzandinofanirwa kuva kwadziri nhasi, kwekuti mumwe munhu akataura kuti ndaizova ikoko. Ini handina kumbotaura kuti ndaizova ikoko. Asi vanozvitaura, muri kuona, vozviisa mubepa. Uye vanofonera kumba, nguva dzose, "Zvakanaka, chii chiri kunetsa?" Voti kumudzimai, kana kuti mumwe wevanoshanda muhofisi, "Nhaisi, vanga vachifanirwa kuva kuno. Ivo vakavashambadzira kuno. Zvakanaka, kushambadzira kwacho kuri mubepa." Ini handina kana chandaziva nezvazvo. Handikwanise kubatsira pane izvozvo. Ndinongodavirira chete pane izvo zvandinotaura, pachangu.

⁴⁸ Saka zvino, masikati ano, ndinoda kuti isu tose, zvekare, kana tichikwanisa, tisimuke pakuverengwa kweShoko.

⁴⁹ Uye tiri kuzoedza kuti tibude munguva ingada kuita imwezve awa imwe chete, Ishe vachitendera, kuitira kuti munge muchinyatsonza zvakanaka kuti muende kuchechi manheru ano. Uye chikonzero tine misangano iyi Svondo masikati, kuitira kuti tisatore chero ani zvake kubva kumachechi enyu. Vanhu vanoda kunamatirwa pano, vanorwara nevanotambudzwa, zvakanaka, tinogara tichisvika pakuvanamatira, zvadaro izvozvo hazvikanganise shumiro enyu.

⁵⁰ Hazvinei, pane nguva zhinji pane munhu wandinowir-... vandisingawirirane navo, uye ivo havawirirane neni. Asi kana zvikarega kuva pamusoro pekuregererana, uye nepamusoro pepfungwa dzekuyanana kuri nani nezvimwe, zvadaro ini—ini handizotauri chimwe chinhu pamusoro pazvo. Kana

ndikapesana nemunhu, zvakanyanya kwazvo, kana ndikatadza kuisa ruoko rwangu ndichimumbundira uye, zvichibva pamwoyo pangu, ndoziva kuti ihama yangu, zvadaro handifanire kunge ndichitura naye. Ndizvozvo chaizvo. Tinofanirwa kuzviita izvozvo.

⁵¹ Zvino imi munoda kuvhura mumabhaibheri enyu, vhurai kuna Isaya, chitsauko 6. Ndiri kuda kuverenga kubva ipapo masikati ano, pashumiro yekuvhara, ndotora chidzidzo.

Mugore iro... rakafa Uziya ndakaona zvakare Ishe agere pachigaro choushe, chirefu uye chakawirira, uye mipendero yenguwo dzake ichizadza temberi.

Kumusoro kwacho kwakanga kumire maserafimi: imwe... yakanga ina mapapiro matanhatu; namaviri yakafukidza chiso chayo, namaviri yakafukidza makumbo ayo, uye namaviri yakanga ichibhururuka nawo.

Uye imwe yakadanidzira kune imwe, uye ichiti, Mutsvene, mutsvene, mutsvene, iye JEHOVHA Mwari wehondo: nyika yose izere nekubwinya kwake.

Uye nheyo dzezvikumbaridzo dzikazunguzika nenzwi rowakanga achidana, zvino imba ikazadzwa noutsi.

Ipapo ini ndikati, Ndine nhamo! nokuti ndoparara; nokuti ndiri munhu wemiromo isina kuchena, uye ndigere pakati pavanhu vemiromo isina kuchena: nokuti meso angu akaona Mambo, JEHOVHA wehondo.

Ipapo imwe serafimi yakabhururukira kwandiri, yakabata zimbe rinopfuta muruoko rwayo, iro rayakanga yatora nembato kubva paaritari:

Uye ikariisa pamuromo wangu, uye ikati, Tarira, zvino iri ragumura miromo yako; uye zvakaipa zvako zvabviswa, nezvivi zvako zvacheneswa.

Zvekare ndakanzwa inzwi raShe, richiti, Ndingatuma aniko, uye ndianani angatiendera? Ipapo ndakati, Ndiri pano ini; nditumei.

⁵² Ngatikotamisei misoro yedu.

⁵³ Ishe vane Nyasha huru, torai mashoko aya, uye dai kufunga kwemwoyo wedu zvino kwagamuchirwa kwaMuri. Dai Mweya Mutsvene mukuru wafamba mumiro yemutauri uye nemunzeve dzeanonzwa, kuti pamwe chete zvigounza kukudzwa kuZita reNyu, kuburikidza neShoko reNyu, nokuti tinozvikumbira kuitira kubwinya kwaMwari. Ameni.

Mungagara henyu pasi.

⁵⁴ Ndiri kuzotarisa zvino, izvo, kuitira kuti tive nenguva yakawanda yeshumiro yemunamato. Zvino nyatsotererai apo pandiri kuedza, neMagwaro mashoma aya nezvinyorwa

izvo zvandanyora pasi pano, kuzvitura. Dzimwe nguva, ndisina kuneta pamwe nekuparara, handaidaro (apo) kunyora Gwaro pasi, ndaiziva kuti ndinokwanisa kurirangarira. Asi kubvira nguva shoma yapfuura zvakange zvoitika kuti dzimwe nguva ndinoka-... Handigone kufunga nezvaro. Saka ndinongozvinyora pasi pano, chi-chimwe chinhu chidiki chakaita serimwewo Gwaro, ndinoziva kuti izvozvo zvinorevei, uye ndinongobva ndaenda ndichibva ipapo zvichienda mberi.

⁵⁵ Ndinoda kutaura pamusoro pechidzidzo chekuti: *Runziro*.

⁵⁶ Zvino, munoziva, pane mumwe munhu wauri kurunzira. Hupenyu hwako itsamba yakanyorwa inoverengwa nemunhu wese. Naizvozvo, kana hupenyu hwako husingaenderane nekupupura kwako, kana kuti chapupu chako chisingaenderane nehupenyu hwako, waro, zvadaro pane...uri kuisa chigumbuso munzira yemumwe munhu, nekuti mumwe munhu akakutarisa. Mumwe mwana mudiki ari kutarisa amai vake, ari kutarisa baba vake.

⁵⁷ Pano mamwe makore apfuura, ndakaverenga chimwe chinyorwa chidiki, munguva yeKisimus, chaiva chaka... chokwadi chakanyevenutsa mwoyo wangu, waive nekushungurudzika. Apo mumwe—mumwe—mumwe murume akanga abuda, uye aiva murume akanaka, akanga—akanga asinganwi, chaizvoizvo. Asi iye—iye akanga abuda, munguva yeKisimus, uye achishanyira shamwari dzake, uye ivo vase vakati kwaari, vakati, “John, inwawo hushoma, kungonwa hushoma chete,” zvino kubva pane imwe imba kuenda pane imwe iye—iye akabva anwa hwakawandisa. Uye aifanira kudzokera kumba. Zvino achiyambuka nemupaki, mukomana wake mudiki aiva naye, uye iye—iye akabva ashaya mukomana mudiki uyu. Ndokubva atenduka akatarisa, uye mukomana mudiki akanga achingoenda achibva kune rimwe divi achienda kune rimwe. Zvino baba vakamirira kusvikira mukomana mudiki asvika pavari.

⁵⁸ Ivo vakati, “Ko sei uri kufamba kwese-kwese mupaki, mwanakomana? Chii chiri kukuita kuti ufambe zvakadaro?”

⁵⁹ Iye akati, “Baba, ndiri kuedza kufamba mumatsimba enyu.” Uye ndizvozvo chaizvo. Maona? Mudiki... .

⁶⁰ Murume wacho akasimudza mukomana mudiki, ndokugara pasi, ndokutakura mukomana mudiki mumaoko ake. Akati, “Mwari, Imi ndiregerereiwo. Ndiri kuda kufamba ndakarurama, kuitira kuti mwanakomana wangu ari kumashure kwangu agofamba akarurama.”

⁶¹ Uye ndizvo zvatiri kuda kuita, seMakristu. Tinoda kufamba seMakristu, torarama seMakristu, totaura seMakristu.

⁶² Makore akawanda apfuura, apo pavaimbove nezveuranda kuMaodzanyemba, ivo vari zasi, kuKentucky nekuAlabama, uye nezasi uko kwandinobva. Vaiwanzotora vechitema

vachivatengesa, pa—pamusika wekutengesera, zvakangofanana sekuti dai waive nemotokari dzakamboshandisa kana chimwe chinhu. Ndinotenda kuti hapana munhu anofanira kuve nhapwa. “Mwari vakagadzira munhu, munhu akagadzira nhapwa.” Zvino vaiwanzouya ikoko vodzitenga, sezvaunongoita kana uchitenga motokari yakamboshandisa, wopihwa gwaro rekutengeserwa, nezvimwe zvakadaro. Ichocco chaiva chinhu chakashata kwazvo.

⁶³ Saka ivo...rimwe zuva, paiva nemutengi akauyako kuzo... munhu anotenga nekutengesa, kune...papurazi rezvirimwa rekare iro raiva nenhapwa dzakawanda. Uye iye akati, “Une nhapwa dzakawanda zvakadii?”

“Oo,” akati, “vangaita zana nemakumi mashanu vari kunze uko, ndinofunga.”

Akati, “Ndindaenda hangu ikoko here ndinodziona?”

Iye akati, “Chokwadi, zvibatsire.”

⁶⁴ Saka iye akaendako kuti anonyatsoongorora nha—nhapwa. Uye paakatarisa kwese-kwese, akacherechedza kuti machinda aya, nguva dzose ainge akasuruvara. Iwo, Mabhunu, akavaunza kubva kuAfrika ndokuvaburutsira muCuba kunze uko, uye zvadaro ndokuvatumira neche kuno kuMawodzanyemba zvino ndokuvatengesa kuti vave nhapwa. Uye ivo vaiziva kuti havaizombodzokera kumusha. Vaiziva kuti havaizomboona baba naamai wavo, zvachose, kana vana vavo, murume, madzimai, nevamwe vakadaro. Ivo vaiva—ivo vaiva vave pasi pemamiriro ezvinhu ayo avakanga vasina kugadzira pachavo. Zvino hepanoi pavaive, kure nekumusha, uye vakasuruvara. Uye dzimwe nguva vaitombotora zwiwepu vovarova, sezvavanongoita mhuka, mombe, nzombe, mabhiza, nezvimwewo, uye zvadaro vo—vovaita kuti vashande.

⁶⁵ Uye uyu, ivo vakacherechedza, anotenga nekutengesa wechidiki uyu akacherechedza kuti paiva nemumwe wenhapwa diki idzi wavakanga vasingarove. Ini zvangu, iye aiva nechirebvu chake chakasimuka, mapendekete ake akaenda kumashure, uye iye aigara ichiita chaizvoizvo zvinodiwa nguva dzose. Havaifanira kunge vachiita chimwe chinhu paari. [Hama Branham vanoridza munwe wavo—Mupepeti] Aiiita basa rake. Saka muridzi wenhapwa akati... Uyu anotenga pamwe nekutengesa akati kumuridzi uyu, akati, “Ndinoda kutenga nhapwa iyo.”

Iye akati, “Oo, kwete.” Akati, “Haasi kutengeswa.”

⁶⁶ Iye akati, “Zvakanaka, ko sei asiri kutengeswa?” Akati, “Chii imi,” akati, “munoitei... Chii chinomuita kuti ave saizvozvo?” Akati, “Ndiye mukuru pamusoro pavo vose here?”

Akati, “Oo, kwete. Inhapwa.”

Akati, "Unomupa zvekudya zvakasiyana nezvaunoita kune vamwe vose here?"

⁶⁷ Iye akati, "Kwete, vose vanodyira uko kumabhadho, pamwe chete." Akati, "Iye anongova nhapwa."

⁶⁸ Akati, "Saka, chii chinomuita kuti azvibate zvakasiyana nevamwe vose?"

⁶⁹ Iye akati, "Unoziva, ndaigaroshamisika nazvo, zvekare, kusvikira ndazoziva kuti uko kumusha, kuAfrika kwavanobva, baba vake ndimambo wedzinza. Uye, kunyangwe, iye ari mutorwa, ari kure nekumusha, asi iye anoziva kuti mwanakomana wamambo, uye anozvibata saizvozvo." Oo, ini zvangu!

⁷⁰ Ko Makristu anofanira kuitei? Tiri vanakomana nevanasikana vaMambo. Kunyangwe tiri vatorwa, ngatizvibatei sevanakomana nevanasikana. Madzimai, regai vhudzi renyu rikure. Regai kupfeka nhumbi dzamunopfeka, dzinonyadzisa nezvimwe zvinhu. Murume, dzokera apo murume anofanirwa kuve. Rega... Zvibatei sevanakomana nevanasikana vaMwari. Muri vatorwa pano, asi, rangarirai, tiri vanakomana vaMambo.

⁷¹ Onai runziro iyo yaiva nemurume uyu pane vamwe vose, hunhu hwake hwakachengeta tariro dzevamwe vose dziri pamusoro.

⁷² Tinoona kuti mambo uyu, Uziya, aive mukomana aive mufudzi mumazuva aIsaya, muporofita. Isaya aiva muporofita.

⁷³ Vaporofita vanozvarwa. Havasi vekungoturika maoko avo pavari, uye vovaita vaporofita. Vanozvarwa, vakafanogadzwa naMwari. "Zvipo nekudanwa zvinenge zviripo pasina kutendeuka." Pane chi-chipo chekuporofita muchechi, uye chinofanira kuongororwa nevanhu vatatu inzwi racho risati rambonzwikwa pakati peungano, asi ichocco chinongova chipo chekuporofita. Asi muporofita zvachose anogadzwa neZVANZI NAJEHOVHA, kubva muhudiki achikura.

⁷⁴ Uye Isaya aiva muporofita waShe, uye akanga aendeswa kutemberi. Uye aiva ane... Uziya uyu, mukomana mudiki aiva mufudzi, aiva neru—runziro huru pane muporofita mudiki uyu. Nekuti, Uziya, muna Makoronike Echipiri 26, inotiudza kuti iye akange ave mambo weIsraeri apo paaingova nemakore gumi nematanhatu ekuberekwa. Baba vake Amazia vakafa, zvino iye akatora nzvimbo yavo, kuti atonge, sezvo yakanga iri tsika yekuti mwa—mwanakomana aitsiva ma—mambo. Uye vakamutora vakamuita mambo apo paaingova nemakore gumi nematanhatu ekuberekwa. Uye aiva nababa vake, Uziya... Amazia aiva mu—aiva munhu mukuru. Iye aiva mu—mu—murume ane humwari. Uye achiva nemubereki ane humwari uyu, saka, zvakamuita kuti aite chinhu chakanga chakanaka, nekuti akarunzirwa nababa vake. Maona?

⁷⁵ Nhasi, ko ungatarisire sei asi kuti hatisi here kuzova nevana Oswald nevana Jack Ruby vakawanda. Tarisai kune...Ndabva kumotera kwangu, nguva yapfuura, uye itsvina yekudhakwa yakadii yeboka revekuCalifornia kunze uko, vakarara kunze uko, ivo madzimai vasina kana kupfeka panze pane apo, kunze uko vachingova netutambo tudiki twavakamoneredza, kana kuti chimwewo chinhu, kunze uko. Uye varume vachinwa hwiski pa—pachando nezvimbewo, uye vachienderera, vachizvambara vakakomberedza zvidziva. Ko ungatarisire sei vana vavo, vechidiki vari imomo muchivanze, vachitamba kwese-kwese, kuti vave chimwe chinhu asi kuve mumwe Oswald kana chimwe chinhu chakadaro? Irunziro inenge yaiswa pamberi pavo.

⁷⁶ Oo, America yawora kusvika pamwongo. Iri kuzokohwa zvayakadyara. Mwari vakurrama havangaitendere kuti ienderere mberi nechero chipi zvacho.

Imi moti, “Muri wemuAm-...”

⁷⁷ Ini, zvirokwazvo, ndiri wemuAmerica. Muminda yekuvhangera, kuGermany neJapan, mune makuva evemuAmerica ariko kwese—kwese imomo, vanhu vangu, vekwaBranham. Uye dai ndaifanira kuenda, ndaizopa hupenyu hwangu nokuda kwayo.

⁷⁸ Asi regai ndikuudzei chimwe chinhu. Tinoda kumbozunguzwa, nyika ino inoda kunzwarwo. Zvinhu izvo zvataimbova nazvo, takarasikirwa nazvo, uye tiri kuedza kurarama pamukurumbira wezvakaitwa nemumwe munhu. Tichakohwa nekuda kwazvo. Mwari vakaita Israeri, vanhu vaiva pamwoyo paVo; iVo vakavaita kuti vakohwe. Uye isu tichakohwawo, zvekare, nekuda kwezvatiri kuita. Hatina chimwe chinhu pamberi pedu, asi kukohwa. Takadarika mutsara wenyasha netsitsi, uye hapana chimwe chinhu chasara asi kukohwa. Nyorai izvozvo mamaBhaibheri enyu. Ndave mutana. Asi imi nyorai izvozvo pasi uye mugoono kuti izvozvo hazvisi chokwadi here kana kuti kwete. Zvichida kana ndichinge ndaenda, zvichingoenda mberi, muchazoona kuti mashoko iwayo ndeechokwadi. Tiri kuzokuwana. Tayerwa muchikero tikawanikwa tisina kukwana, uye hapana nzira yekupunyuka nayo. Ndizvozvo. Tatopfuura muganhu iwoyo. Unofanira kukohwa zvaunodyara, nguva dzose.

⁷⁹ Saka muchinda uyu wechidiki aiva nerunziro kwazvo pane uyu, mambo wechidiki aiva nerunziro pa—pamuporofita wechidiki. Uye iye aizembera paruoko rwemuporofita uyu, nekuti iye—iye aiziva kuti aiva muporofita. Uye aive anaye paari chaipo nguva dzose, uye ku—kuti atore runziro yake kubva pazviratidzo zvake, nezvimbwe zvakadaro, zvinobva kuna Mwari, kuti azive kuti anotungamirira sei humambo hwake.

⁸⁰ Uye izvozvo zvakamuita munhu mukuru. Iye akafuratira zvematongerwo enyika zvezuva iroro, nemaonero anofarirwa

neruzhinji, uye ndokushumira Mwari nemwoyo wechokwadi. Ndiyo mhando yemutungamiriri wenyika watinoda. Ndiyo mhando yemu—mutungamiriri watinoda pamusoro pevanhu wenyika ipi zvayo, chero kupi zvako. Humambo hwake hwaitevera kune uhwo hwaSoromoni. Paiva pasina chimwe chinhu... Mwari vaingomuropafadza uye vasina ropafadzo ravaidzivisa, nekuti iye aiVashumira.

⁸¹ Uye izvi zvaive betsero yakakura kuna Isaya mudiki, nekuti iye akaona kuti Mwari vaizoropafadza sei avo vakanendeka kuShoko raVo. Hazvina basa kuti zvanga zvakaoma sei, gara wakanendeka kuShoko iroro. Uye iwoyo muenzaniso nhasi, zvekare, kwatiri, kuti tigare takatendeka kuShoko. Uye izvozvo zvakava nerunziro huru paari.

⁸² Zvino, akadyara minda yemizambiringa, uye aiva mufudzi, uye aiva nemhando dzose dzezvinofudzwa neminda yemizambiringa. Kana muchida kuverenga, muna Makoronike Echipiri 26 imomo, uye nenzvimbo dzakasiyana-siyana dzeGwaro, dzinotaura nezva—nezva Uziya. Aiva munhu mukuru. Iye—iye aifarira kuve ari kunze, uye, ari murume akanaka kwazvo! Mwari vakaropafadza zvose zvaakaita. Zvaingobudirira uye zvichienda mberi. Uye hapana nyika dzaimunetsa. Idzo dzaitomutya, uye nekuti iye aishumira Ishe Mwari avo vaiva naye; kwete nekuti ivo vaitya mauto ake, asi vaitya Mwari vaaishumira.

⁸³ Ndiyo inofanira kuve rangaridzo yedu. “Mwari vedu vatinovimba navo,” ndizvo zvinotaurwa pamadhora edu, asi handizive hangu pane dzimwe nguva.

⁸⁴ Zvino, asi izvi zvose zvakaitika, uye zvinoratidza pano muenzaniso. Ndiri kuda kutora kubva pane izvi, masikati ano, kuratidza kuti Mwari vanokwanisa sei kuropafadza munhu uye—uye vomuita munhu mukuru. Asi, munoziva, mambo uyu paakawana...paakanzwa kuti akachengetedzeka, paakanzwa ari panzvimbo yekuti—yekuti iye akanga akadzika hoko zvachose, uye pakanga pasina nzira yekuti iye awe zvachose, akazvisimudzira mukuzzitutumadza. Ndipo pacho pakatanga kuwa kwake. Ndipo panotangira kuwa kwemunhu upi zvake.

⁸⁵ Ndinofunga kuti ndiro dambudzikro rine vanhu vedu vakawanda nhasi, tinozvisimudzira. Ndinofunga kuti ndizvo zvinokonzerwa masangano kuti aite zvaanoita. Vanowana boka riri nani, iro ravanoti, “boka revanhu vari nani, vane njere dzakawanda,” vanofunga kudaro. Murume, chavo chik-... vashumiri vavo vose vane nedzidzo yekusekondari neyekukoreji, makore maviri kana kuti matatu efundo yezvepfungwa, vachivapa bvunzo dzekushandisa pfungwa pamwe nemasaisai ekuongorora pfungwa, nezvimwe zvose, kuti vaone kana vachikodzera nyaya yacho, uye dzimwe nguva pasina zvihinji

zvavanziva pamusoro paMwari kupinda zvingaitwe netsuro pamusoro peshangu dzechando. Ndizvozvo chaizvo. Ndizvozvo. Zvepfungwa izvozvo hazvinei nechekuita nazvo. Isimba reMweya Mutsvene. Hazvisi mupfungwa dzako; zviri mumwoyo mako. Ndizvozvo. Asi, munona, tinowana . . . Zvadaro vanobva vazvisimudzira, "Yedu, tinoenda kuchechi yakanakisa muguta. Tiri vechechi yekutanga. Tiri vekunoendwa nameya. Tiri vekwakati."

⁸⁶ Uye zvinhu zvose izvi ipapo, munona, izvo zvazviri, zvadaro vanhu havangokwanise kumira zviri nyore kuti vaRinzwe. Vanongofunga kuti unongo—ngova munhu akaipa. Asi, zvazviri, hapana nzvimbo yekuti Mbeu ibatirire. Hapana chiripo chekuti Igare pachiri; rinongova dombo. Haikwanise kuwana pekubatirira. "Shiri dzinobhururuka dzichitenderera uye dzolitora," Bhaibheri rakadaro.

⁸⁷ Asi mambo uyu paakazvisimudzira, uye akanzwa kuti akachengeteka, akazvisimudzira nekuzvitutumadza.

⁸⁸ Ndinocherechedza, nguva zhinji, tinoona kunyange vanhu, vavhangeri, vanosvika pane imwe nzvimbo apo vazhinji vavo vaipomerwa nekuda kwezvinhu, uye zvichida zvimwe zvacho ichokwadi, zvekunwa, nezvimwe zvakadaro. Zvazviri, ndinofunga vanozvivakira kahumambo kadiki kanenge kakavakomberedza, uye vofunga kuti vanhu ivavo vanovada zvakanyanya, hapana nzira zvachose ye . . . Vanhu vacho, vanogona kungoita chero chinhu chavanoda kuita, uye, "Vanhu ivavo havaite basa nazvo."

⁸⁹ Vanhu vanogona kudaro, asi zvakadiniko naMwari? Ndipo patinopotsa kuona. NdiMwari vanova Ivo vanenge vachitarisa. Maona? Mwari vanozviziva. Kana uchinge waona Chokwadi neChiedza, zvino woZviramba, Mwari vanoziva zvaunenge waita. Hauzomboendi kure kusvikira wadzoka panzvimbo iyoyo chaipo zvekare. Haukwanise kudarika izvozvo. Unotofanira kudzoka chaipo paunenge wasiira.

⁹⁰ Akasvika paakazvisimudzira kwazvo mupfungwa dzake, uye—uye ndokunzwa akachengeteka kwazvo nezvimwe zvose, zvokuti, akaedza kutora nzvimbo yemushumiri. Akaedza kupinda kuti apirise zvinonhuwira, sezvatinoziva muBhaibheri, kupirisa zvinonhuwira, izvozvo zvaiva zvemuRevhi ega kuti azviite, muprisita aiva akazodzwa kuitira basa iroro. Iye akaedza kutora nzvimbo yake.

⁹¹ Uye pano tine runziro yamambo uyu, kuitira kuti vanhu vazive kuti kutevedzerana kwepanyama uku, nhasi, hakusi kwaShe. Hauna kugadzwa kune zvinhu zvakadaro. Hauzofa wakatora nzvimbo yemumwe munhu, uyewo mumwe munhu haagone kutora nzvimbo yako. Tsvaga kuti nzvimbo yako iri papi uye wogara ipapo. Maona?

⁹² Iye akafunga, “Zvakanaka, zvino ini... Mwari ngavarumbidzwe, ndiri mambo, uye Ishe vanga vakandinakira. Ndinokwanisa kuita *izvi*. Ndine *izvi*. *Iyi* ishumiro yangu.” Uye ndokuzoziva, kuti, mukuenderera mberi kwake saizvozvo, uye ndokuedza kupfuirira mwero, akadarika pane izvo Mwari vaimuropafadza pazviri.

Kana uri nhengo yechechi yakanaka, iva nhengo yechechi yakanaka.

⁹³ Kana uri mudzimai wemba akanaka, kana Mwari vakakuropafadza semudzimai wemba uye akakuita kuti uve wakatendeka uye uri wechokwadi, hanzvadzi, imi ingoendererai mberi kuva izvozvo. Usatange kufunga, iwe, kuti Mwari akakudana kuva muparidzi, kana—kana mudhikoni, kana chimwewo chinhu.

⁹⁴ Uye—uye ita zvime chete, murume. Chero papi Mwari paakakuropafadza, gara ipapo, nekuti ndipo panzvimbio paAkakuisa. Iwe ingoita zvaAnokuudza kuti uite, uye woona apo paAnokuropafadza.

⁹⁵ Asi, rega zvachose kuedza kupindira, ndidzo—ndidzo mviromviro dzemavambo echipentekosti. Apo Mai McPherson... Pandakange ndichiverenga bhuku ravo, ndakange ndisinga... Ndkanga ndisiri mushumiri mumazuva avo. Uye ivo vakati, “Apo ivo pavaifamba vachienda papuratifomu neizvi, zvakaita semapapiro, munoziva,” kana kuti, munoziva, imwe mhando yegemenzi saizvozvo, “mudzimai wese anoparidza aipfeka zvime chete. Mumwe nemumwe wavo aitakura Bhaibheri sezvaiitwa naMai McPherson.”

⁹⁶ Makamboteerera here kuzvirongwa izvi zvepawairesi? Muchinda wese, “Ishe vakuropafadze, zvakanaka kwazvo, muchinda,” mumwewo Billy Graham. Kutevedzera kwepanyama.

⁹⁷ Ndaiverenga nho—nhoroondo yaMartin Luther. Uye nhoroondo yakati, “Chakanga chisiri chinhu chaishamisa zvakanyanya kuti Martin Luther aigona kupikisa chechi yeKatorike uye oshaya chinomuwana, asi kuramba akasimudza musoro wake pamusoro pekupengereka kwese kwaitevera rumutsiriro rwake.” Ndizvozvo chaizvo.

⁹⁸ Zvibate wakachena uye usina chipomerwa, pakudanwa kwako. Gara neShoko raMwari uye usabve nekuda kwezvisina basa. Uye gara, ramba uri pakudanwa kwako. Kana Vakakupa basa kunze uko, semurimi, rima zvakanaka. Mwari vakakuropafadza pazviri, zvino bhadhara chegumi chako uye chero chii zvacho chazviri, mapiro yako, kubatsira shumiro kuti ienderere mberi. Kana Vakakuita makanika, uye vakakuropafadza mubasa iroro, gara naro uye woVatenda nekuda kwaro. Maona? Iwe ingogara apo Mwari pavanokudanira.

⁹⁹ Tinoona runziro pano. Uye zvadaro paakaedza kuti agadziriswe, mushumiri akamhanya kwaari, uye akati, "Nhai! Mirai zvishoma! Hamuna kudanirwa izvozvo." Oo, akashatirwa kwazvo! Handiti, akange atogadzirira kuti musoro wake udimirwe.

¹⁰⁰ Munoona, ndicho chimwe chinhu chatinofanira kuziva. Hazvina basa kuti Mwari vakuropafadza zvakadini, hauna mvumo yekutsiura muzodziwa waShe, kana kutaura chimwe chinhu chinopesana navo. Ndizvozvo chaizvo. Mwari ndiVo vanofanira kugadzirisa izvozvo. Kana vachida kutsiurwa kupi zvako, ivo vana vaVo, iwe vasiye vakadaro. Haufanire kuita izvozvo. Maona?

¹⁰¹ Uye kana u—ukaudza vanhu pamusoro pezzvivi zvavo, uye wovaudza kuti vari kuita zvakaipa, "Budai! Regai kumboedza kuenda Kudenga muri pahurongwa hwesangano kana chimwewo chinhu." Maihwe, zvangu, vanodaro, vanozo... Vanoda kuputika. Vachadaro. Vanoda kukuwanira mhosva; ivo havadi—ivo havadi kutombogara pasi kuti vakuteerere; vanosimuka vobva vabuda kunze, uye vane tsika dzakaipa, uye vanongozvibata nenzira yese—yese. Muri kuona, izvozvo zvinoratidza, nzvimbo yekutanga, kurerwa kusina kukwana, tsika dzemumba. Zvirokzwazvo vanodaro.

¹⁰² Asi tinoona kuti muchinda uyu akanga atora hunhu uhwu mukuita chinhu chaakaita. Chii chakaitika kwaari? Ishe vakamurova nemaperembudzi, imomo chaimo muchivakwa. Uye maperembudzi mufananidzo wei? Chivi, kusatenda. Hakuna chimwe chivi kunze kwekusatenda. "Uyo asingatende akatopomerwa nechekare." Uye chivi ndiko chete kusatenda kuripo.

¹⁰³ NdaKange ndichiparidza imwe nguva muchechi yeMethodisti, uye ndikati, "Kusvuta fodya hachisi chivi. Kuita hypombwe hachisi chivi. Kutora Zita raShe hachisi chivi."

¹⁰⁴ Izvozvo zvakava zvakanyanyira imwe hanzvadzi; yakabva yasimuka, ikati, "Saka nditaurirei, Mufundisi Branham, chivi chii?"

Ini ndikati, "Kusatenda."

¹⁰⁵ Unoita zvinhu izvozvo nekuti hautende. Ndizvozvo chaizvo. Chikonzero uchiramba kufamba muChiedza cheShoko ndecekuti iwe hautende Shoko. Ndizvo zvinokuita munhu asingatende.

¹⁰⁶ Mumwe muchinda akati kwandiri, akati, "Handinei nehanyn'a kuti zviitiko zvakawanda zvakadii zvamungakwanisa kuratidza, uye kuti zviitiko zvakawanda zvakadii izvo chiremba vaikwanisa kuratidza, zvekupodzwa kwakasiyana-siyana," akati, "ini handitende mukupodzwa. Hazvina kudaro."

¹⁰⁷ Ini ndikati, “Chokwadi, hazvina kutumirwa kune vasingatende. Zvakangotumirwa bedzi kune avo vanotenda.”

¹⁰⁸ Ndezve avo vanotenda chete. Ivo vakati, “Uyo anotenda, zvinhu zvose zvinogoneka,” kwete uyo asingatende.

¹⁰⁹ Uye kachibenga kadiki kekusatenda kanopesana neShoko raMwari, uye unozogara kunze kweHumambo hweKudenga. Kakaburitsa Evha kunze. Kakakonzena matambudziko ose aya, kamwe chete kungotsveyamisa Shoko zvishomanani. Unofanira kugara wakarurama naRo, izvo zvaRinotaura.

¹¹⁰ Zvino tinoona, murume uyu akasindimara pamwe nekuzvitutumadza, uye chiso chake chakatsvuka, uye akatendeuka ndokuudza vaprisita ava, zvino, chinhu chekutanga munoziva, akarohwa nemaperembudzi. Ipapo chaipo ari muhasha dzake, akarohwa. Haana kuzombopora kubva paari. Chii? Kusatenda Shoko raMwari raakanga ari kuedza kutaurirwa.

¹¹¹ Pane muenzaniso chaiwo mune izvozvo. Cherechedzai. Iye aiva...Haana kutenda, uye, muhasha dzake, akarohwa nemaperembudzi; uye akafa, ari uko kumba kwake, haana kuzombotenderwa kuhumambo zvekare, nzvimbo yamambo. Mwanakomana wake ndiye akatozotora nzvimbo yake uye—uye ndokubatsira nepose paaigona napo, uye iye akasiwa akadaro kusvikira afa. Zvino, muri kuona, haana kuzombopora.

¹¹² Jesu akati, “Shoko rimwe rinopesana naRo harizoregererwi zvachose,” Shoko, “kunyangwe munyika ino kana munyika ichauya.” Hazviregererwi. Saka muri kuona kuti nyika yakagadzirira kutongwa sei? Vavhangeri vakuru nezvinhu zvakaenda pasi rose neVhangeri, vakasekwa, vakaitwa jee navo, nezvimwe zvose. Hapana chasara. Hapana nzira yekuti ingazodzoka zvekare. Ivo vakamhura Mweya Mutsvene, vakaita jee naWo, nezvimwe zvose. Uye ivo vaka...Uye, ivo, hapana nzira yekuti ingazodzoka zvekare. Zvinofanira kubhadharirwa. Hapana nzira yekubuda mazviri. Mwari vane nduramo; zvaizopesana nekururamisa kwaVo, zvopesana neHunhu hwaVo—hwaVo—hwaVo, izvo zvaVari. Uye zvino zvinofanira kubhadharirwa.

¹¹³ Saka mambo uyu, zvisinei nekuti Mwari vaimuda zvakadii, kuti aiva munhu mukuru zvakadii, kuti aiva nemadhigirii mangani, asi zvakadaro iye akakanganisa uye aifanira kukohwa izvo zvaakadyara. Uye munhu wose achafanirwa kuzviita.

¹¹⁴ Ipapo chakava chidzidzo kumuporofita wechidiki. Ipapo chakava chidzidzo chaicho! Nekuda kweizvi, Isaya akadzidza kuti Mwari ndivo vanoraira munhu waVo panzvimbo yake, pachaVo. Kwete anorairwa nemumwe munhu. Mwari ndivo vanoraira munhu waVo pabasa, zvino, vanomuraira panzvimbo yake. Iye haafanire kuedza kutora nzvimbo yemumwewo.

¹¹⁵ Chiratidzo, chinhu ichi chakanga chakakura kwazvo kusvikira chakaendesa muporofita uyu kuenda kutemberi, kunonamata.

¹¹⁶ Handizive, nhasi, kana tichiona kufa kwemachechi, kuona ku—kufa kwevanhu, vachibva paMweya, vachidzokera kumashure uye vachinoshumira zvitendwa zvavo, kana zvingafanire kuendesa vatendi pamabvi avo.

¹¹⁷ Zvakaita kuti mutendi chaiye, mutendi akagadzwa, Isaya muporofita, aende pamabvi ake. Akaenda kutemberi, zvino ikoko akatanga kunamata.

¹¹⁸ Uye, mutemberi, akaona Mwari vari pachigaro chaVo, chakasimudzirwa kuenda kumusoro chaiko. Mwari vakanga vari kuzomuratidza icho chekutarisa kwachiri. Kwete kutarisana mumwe kune mumwe; kutarisa kumusoro uko kune zvaVari, izvo, Ivo vakasimudzirwa kuenda kumusoro pachigaro chaVo.

¹¹⁹ Cherechedzai maSerafimi eKudenga aine zvifukidzo pazviso zvaWo. Zvino, maSerafimi ndiwo anopisa chibayiro, anova iwo imwe mhando yepamusoro-soro yeNgirozi. Iwo ari pedyo nemaKerubhi. Ikoko kwaiva neNgirozi, zvino kwouya maSerafimi, uye kwozouya maKerubhi. Uye maSerafimi chaizvoizvo ndiwo anopisa chibayiro, achigadzira nzira yekuti vatadzi vasvike, hurongwa chaihwo hweutvene hwepamusoro mutemberi yaMwari.

¹²⁰ Uye iye akaona, apo paakanga ari pasi paaritari, achinamata, “Ishe, ndiri munhu wemiromo ine tsvina, uye ndigere pakati pevanhu vasina kuchena.” Uye iye akanga achireurura.

¹²¹ Uye paakadaro, akatarisa kumusoro akaona maSerafimi aya. Aiva nemapapiro maviri akafukidza zviso zvaWo, nemapapiro maviri akafukidza tsoka dzaWo, uye achiibururuka nemapapiro maviri, achidanidzira, “Mutsvene, mutsvene, mutsvene ndiShe Mwari Samasimba! Mutsvene, mutsvene, mutsvene, Mwari wose mutsvene! Mutsvene, mutsvene, mutsvene ndiShe Mwari Samasimba!”

¹²² Ngatitarisei pachiratidzo chakaonekwa nemuporofita, uye tochipatsanura. Mapapiro maviri anga akafukidza zviso zvaWo. Pafungei, kunyangwe Ngirozi tsvene dzakatovanza zviso zvaDzo zvisina chivi, kuti dzimire muHupo hwaMwari. Akapiwa mapapiro kuti avanze zviso zvaWo, muHupo hwaMwari mutsvene! Ko iwe nenii tichamira sei Ipapo, kana maSerafimi akatoshandisa mapapiro, nzira yakapihwa naMwari yekuvanza chiso chaWo, kuti amire muHupo hwaKe, kuti aimbe, “Mutsvene, mutsvene, mutsvene ndiShe Mwari Samasimba”? Kuremekedza muHupo hwaKe!

¹²³ Zvino isu hatina kana kuremekedza kuna Mwari. Munhu wese anongofunga kuti akachengeteka, kusvikira ivo—ivo hava—ivo havaremekedzi Mwari sezwavanofanirwa. Sei? Sei

vachiita izvi? Nekuti havacherechedze Hupo hwaKe. Ndicho chikonzero vanhu vachiita izvozvo. Ivo, ivo havaHucherechedze. Havakwanise kudaro, havakwanise kunzwisia kuti ivo vari muHupo hwaMwari. Pfungwa dzavo dzabva dzava dzakatsveyamiswa kwazvo uye dzakabatikana mune zvinhu zvemunyika, kusvikira havatomboteerera kwaHuri. Vanoenda kuchechi, chokwadi. Asi kucherechedza kuti uri muHupo hwaMwari! Kwete muchechi chete; chero kupi kwauri, uri muHupo hwaMwari.

¹²⁴ Dai vaigona kuita sezvakataurwa naDhavhidha, “Ndakaisa Ishe pamberi pechiso changu nguva dzose, naizvozvo handingazungunutswe.” Chero bedzi Ishe vaive pamberi pake, haaignona kuzungunutswa.

¹²⁵ Uye vapirisu vechibayiro cheKudenga ava vaine mapapiro akaFukidza zviso zvaVo, uye vachidanidzira, “Mutsvene, mutsvene,” kuti vamire muHupo hwaMwari, ko chii chichaitika kune vanhu vatadzi avo vasingaremekedzi Mwari?

¹²⁶ Imi munoti, “Zvakanaka, Hama Branham, muchangobva kutaura kuti Akapihwa mapapiro maviri.”

¹²⁷ Uye imi makapihwa chimwe chinhuko, zvekare, Ropa raJesu Kristu. Ndicho chifukidzo chenyu. Kuti, haumire seSerafimi, haumire seKerubhi, haumire seNgirozi. Asi, unomira semwanakomana kana mwanasikana waMwari akadzikinurwa, neRopa iri. Haufanirwe kuva nemapapiro aya aAkanga ainawo. Iwo chifukidzo chakatsaurwa kwaAri muHupo ihwohwo. Asi imi mune Ropa raJesu Kristu kuve chifukidzo, kuti mumire Ipapo. Zvino sei . . . Zvino, imi, kana muine Ropa iroro, zvadaro kudzai Mwari, imi idai Mwari, imi remekedzai Mwari; uye Mwari iShoko.

¹²⁸ Zvino cherechedzai, chechipiri, nemapapiro maviri iWo akaFukidza tsoka dzaWo. Ko izvozvo zvairevei? Kuzvininipisa pamberi paMwari, muHupo hwaKe.

¹²⁹ SaMosesi pagwenzi raipfuta, akabvisa shangu dzake, apo paAkamunzwa achiti, “NDIRI WANDIRI.”

Pauro, panzira yake kuenda kuDhamasiko, iye—iye akawira pasi nechiso chake.

¹³⁰ Johane, apo paakaona mwe—Mweya waMwari uri pamusoro paJesu, iye akati, “Ndinoshuva kubhabhatidza neMi, uye sei iMi muri kuuya kwandiri?”

¹³¹ Heuno muenzaniso wakanaka. Nguva dzose gara wakacherechedza hudiki hwako, kwete hukuru hwako.

¹³² Nhasi, isu—isu vemuAmerica, kazhinji, ako katinoedza kufunga kuti tiri vana nhingi vakuru, “Tiri vekune chimwe chinhu chikuru, rimwe sangano guru, chimwe chinhu chikuru kwazvo chine . . .” Oo, zvikuru kwazvo, zvikuru, zvikuru ndizvo zvoga zvatinoona.

¹³³ Uye kuti apo . . . Imwe nguva, muBhaibheri, tine muenzaniso weizvozvo. Paiva ne—nemuporofita akaenda kumashure mubako zvino . . . Eria. Zvino Mwari vaiedza kukwezva maonero ake, kuti abude. Zvino kwakauya moto, neutsi, uye—uye nemhepo dzaivhuvhuta zvekuparadza nepamakomo, uye nekutinhira, nekudengendeka kwenyika, nekuzunguzika, nezvimbewo zvose. Muporofita haana kana kumbotsukunyuka. Mwari vakanga vasiri mazviri. Asi apo Inzwi riya diki, rakanyorovera parakataura, iye akafukidza chiso chake akauya mberi. Kana Inzwi diki reShoko raMwari, rakanyorovera rikataura, kwete ruzha, kwete masangano edu makuru, kwete chimwe chinhu chedu chikuru, asi Inzwi riya diki, rakanyorovera, reShoko, rinotarisirwa pasi. Iroro rinofanira kudana munhu kuzotendeuka. Mwari muShoko raVo!

¹³⁴ Zvakadaro, Iro rakafukidza tsoka dzaRo; rikacherechedza Iye . . . hudiki hwedu pamberi paMwari.

¹³⁵ Chechitatu, Iro raikwanisa kubhururuka nemamwe maviri.

¹³⁶ Zvino rangarirai, maviri, Rakafukidza chiso chaRo, muHupo hwaMwari, uye kuti riremekedze. Chechipiri, mapapiro maviri akafukidza tsoka dzaRo aireva kuzvininipisa, pamberi paMwari. Uye mapapiro echitatu, zvino, Iro rakazviisa pachaRo pakuita basa. Raikwanisa kubhururuka nemapapiro iwayo maviri, munona. Maviri akafukidza chiso chaRo, maviri akafukidza tsoka dzaRo, uye richibhururuka nemaviri, zvino chaiva chii? Kuremekedza, kuzvininipisa, uye mukuita basa.

¹³⁷ Mwari vakaratidza muporofita kuti muranda waVo anenge akagadzirira anofanira kunge akaita sei; anoremekedza, akazvininipisa, uye achiita basa. Zvino iye akaona chimwe chinhu chakasiyana kubva pane chakaburitswa naUziya. Ivo vairatidza muporofita izvo zvaanofanira kuve, kwete saUziya, asi kuva semaKerubhi aya eKudenga. Uye kana uchida kutarisa kuna mambo, mambo wepanyika . . . Tarisa kune Uyo weKudenga, akasimudzirwa pamusoro peMatenga ose, uye mipendero yenguwo dzaKe yaizadza Matenga.

¹³⁸ Ipapo tinoona kuti Ivo vaimupa chimwe chinhu chekutarisa kwachiri, kuti chimurunzire zvakasiyana neicho chaakambenge ari kutarisa kwachiri, achifunga kuti, “Munhu akashumira Mwari uye akabudirira, nezvimbwe zvose, zvaiva zvakakanaka.” Asi Isaya akaisa pfungwa yake—yake pamumhu.

¹³⁹ Zvino munhu mukundiki, kutanga kwacho. Handina basa kuti ndiyani. “Iye akaberekwa muzvivi, akaumbwa mukusarurama, akauya panyika achitaura nhema,” saka iye mukundiki zvachose. Handina basa kana iye ari mubhishopi, papa, mutungamiriri wechechi, kana chero zvimbwe zvipi hazvo zvaanogona kuve. Iye mukundiki, pakutanga kwacho, uye usambofa wakatarisa kune mumwe. Handina hanyn’ a nazvo, “Kunyangwe achifambisa makomo nekutenda, uye kunyangwe

akapa zvinhu zvake zvose kuti ape varombo zvekudya.” Zvakadaro, tarisa kuna Jesu Kristu. Ndiye Wacho. Tarisa kwaAri, kwete kune mumwe munhu.

¹⁴⁰ Ndokuona zvino kuti Akanga achiratidza pano izvo zvinofanira kunge zviri muranda waMwari, kuti iye anofanira sei kuve akazvininipisa achiremekedza uye achiita basa.

¹⁴¹ Enda unoita basa! Vazhinji vedu tinokwanisa kuzvininipisa, vazhinji vedu tinokwanisa kuremekedza, asi zvakaoma kuvaita kuti vapinde pabasa.

¹⁴² Asi zvino tinocherechedza kuti Mwari vairatidza kuti Vaigadzirira muranda waVo sei, izvo zvaanofanira kuve. MaKerubhi iwayo aive, kana kuti—kana kuti, maSerafimi, aive varanda vaMwari.

¹⁴³ Cherechedzai, semukadzi uye patsime, apo paakanga achitarisira Gwaro kuti rizadziswe. Uyo watakataura nezvake, kaviri kana katatu vhiki rino. Apo, iye aitarisira kuti iro rizadziswe. Mu—musikana, sekuziva kwedu, akanga asingaende kuchechi. Iye zvichida . . . Ivo vaiva kure kwazvo neShoko, uye nezvinhu zvakadaro, ivo . . . uye vachidana zvitendwa zvavo nezvinhu. Sekutura kwakaita Jesu, “Makatora tsika dzenyu, mukaita kuti sho—Shoko raMwari rishaiwe basa.”

¹⁴⁴ Zvakada kufanana nechinhu chimwe chete nhasi. Zvitendwa zvatnodzidziswa, nezvinhu, zvakabvisa Shoko raMwari pakuita basa. Shoko harichakwanise kumuka. Uye zvinhu zvakanzi, chokwadi; zvakavhenganiswa nezvimwewo zvinhu, havachakwanisa kuRiona.

¹⁴⁵ Rangarirai, Inzwi iroro richatambudza kwete imi chete muri pano. Tepi ino inoenda kwese-kwese pasi rose. Handisi chaizvoizvo kungotaura nemi mose muri pano. Asi kana pane mumwe munhu pano anozvida, zvakanaka, izvozvo, ndezvako ipapo. Maona? Asi, rangarirai kuti Inzwi iroro richakutambudza chero bedzi uchirarama. Muzuva rekufa kwako, Richakutambudza. Riteerere! Dzoka!

¹⁴⁶ Tsika dzedu dzakatora Shoko raMwari dzikaRishaissa basa. Shoko raMwari riri kuratidzwa, zvino vanhu vanomira kwese-kwese zvino voti, “Zvakanaka, ndinofungidzira kuti izvozvo zvakanaka chaizvo.” Maona? Ini zvangu, oo, ini zvangu! Zvinofanira kuita kuti munhu wako wemukati atungidzwe moto. Zvinofanira kuita chimwe chinhu, asi hazvidaro. Hazvizviite. Tinoona Mwari . . .

¹⁴⁷ Apo mudzimai uyu . . . Ivo vaprisita nezvinhu, zvichida akanga asingaende kuchechi nekuti akanga asingaone chikonzero chekuendera, chimwe chinhu chakada kudaro. Asi akanga averenga Magwaro. Nekuti cherechedzai, iye aiziva, nekukurumidza, apo paVakanga vanuudza kuti dambudzikorake raiva chii, handiti, iye akati, “Handiti, isu tinoziva kuti Imi munofanirwa kuva muporofita. Hatina kumbova nemumwe

kwemazana emakore. Asika Imi munofanirwa kuve muri muporofita, tinozviviza.” Zvino, munoona, kufunga kwangu, mudzimai akafunga...

¹⁴⁸ Kana ukatora zvinoverengwa izvo zvakanyorwa kumucheto, uye wozviverenga muGwaro rako, zvinodzokera kune “muPorofita,” aiva Kristu.

¹⁴⁹ Akati, “Tinoziva isu... Munofanira kuva muri muporofita. Tinoziva kuti Mesia, kana Achinge auya, icho ndicho chinhu chaAnzoita. Iye achazivikanwa neizvozvi.”

Zvino Jesu akati, “Ndini Iye ari kutaura newe.”

¹⁵⁰ Mudzimai akabva apinda pakuita basa. Akanga asingachakwanise kuramba akamirira. Chinhu chacho chaicho chavakanga vari kutsvaga, chakanga chava panyika ipapo pacho, uye iye akaChiona. Hazvina basa kuti iye akanga ari muchimiro chakaipa sei, chipfeve, kana mudzimai akadaro, aisakwanisa... Varume vaiva mumugwagwa havaitombomuteerera. Havazombodaro nhasi. Asi kumumisa, ko waizviita sei? Zvakanga zvakafanana nemba iri kubvira, mumhepo yakawanda. Hawaigona kuidzima. Moto wakange uchibvira mumwoyo make.

¹⁵¹ Iye akati, “Huyai, muone Murume Uyo andiudza zvinhu zvandakaita. Ko handiye Mesia wacho here?” Uye zvakabva zvabatirira, zvekare. Zvokuti, Jesu haana kuzofanirwa kuzuviita zvekare. Vanhu vakamutenda nekuti... vakanenda Jesu nekuda kwechapupu chake. Maona? Zvakaitei? Iye akange akazvininipisa, achiremekedza, uye achiita basa. Iye akapinda pakuita basa apo paakaona chinhu chichiitika.

¹⁵² Zviratidzo zvake zvinofanira kurunzira, nhasi. Zviratidzo zvakavimbiswa zvanhasi, Shoko rakavimbiswa rakaiswa pachena kuitira zuva ranhasi, kuona Mwari achizadzisa izvo zvaAkataura kuti Aizoita, zvinofanira kuita chimwe chinhu kwatiri. Asi hazvidaro.

¹⁵³ Sezvazvakangoitawo kumaJudha. Ivo vaive vechinamato zvakanyanya zvekuti ivo—ivo vakanga vasingafunge kuti vaiRida. Ivo, vaifunga kuti vaiva nezvese.

¹⁵⁴ Uye ndizvo zvimwe chete nenyika nhasi. Ine zvizhinji zvekudya, zvizhinji zvekupfeka, machechi akanaka, nzvimbo dzakakura, vashumiri vakanaka vakadzidza, uye saka hapana kana chavanoda. “Asi hamuzive,” Gwaro rakati, “hamuna kusimira, makasuwa, mapofu, uye hamuzvivize.” “Hamuzvivize,” uye haugone kuvaudza zvakasiyana. Ivo vanoramba vachingoenda vachidzika nenzira iyoyo, uye vokundika kutendera Shoko raMwari kuti rivarunzire kuti vatende kuti Jesu Kristu akamutswa kubva kune vakafa, uye mupenyu nhasi, mumwe chete zuro, nhasi, nekusingaperi, achizviratidza pachaKe ari mupenyu. Ivo vakangofa zvavo. Kwese-kwese, kwese-kwese kwaunoenda, zvinoita sekunge

chinhu chimwe chete. Zvaifanira kunge zvakadaro, hazvo, munoziva. Iye anofanira kuburitswa kunze kwechechi. Hapana nzira zvachose yekuti iyo irege kuva yakadaro. Mwari vakati ichange yakadaro. Asi kana—kana . . .

¹⁵⁵ Ngazvikuzunze, ngazvikuzunze zvakanyatsonaka. Hazvinei nebara kuti uri munyika ipi, chero kupi kwauri, unombova ani zvako, ngazvikumutse.

¹⁵⁶ Maawa anouya achienda. Chinhu chekutanga unoziva, uchange uchiti, “Zvakanaka, nda—ndaifunga kuti paifanira kuitika ichi Kubvutwa kusati kwaitika.”

¹⁵⁷ Panokwanisa kuve neInzwi rinodzoka sezvarakamboita imwe nguva, “Zvakatoitika kare uye hauna kumbozviviza.”

¹⁵⁸ Mose munenge makasungirirwa mune imwe chechi pane imwe nzvimbo, muchiti, “Ini ndakachengeteka chaizvo sezvandinogona kuva,” zvino, chinhu chekutanga unoziva, Kubvutwa kunenge kwaenda. Kuchange kuri kuenda kwakavanzika, nekukurumidza, kusina ani hake anoziva chimwe chinhu pamusoro pazvo. Nyika ichiramba ichienderera mberi.

¹⁵⁹ Sekupinda kwakaita Noa muareka. Munorangarira, mushure mekunge Noa apinda muareka, akagara imomo mazuva manomwe mushure mekunge Mwari vapfiga musiwo. Mwari vakapfiga musiwo, uye Noa akagara muareka kwemazuva manomwe pasati paitika chero chinhu.

¹⁶⁰ Uye musiwo wenyasha uchapfigwa pachiso chako, uye zvinogona kunge zviri zvakatoitika. Uye ingofunga nezvazvo, vanhu vachaenderera mberi vachiparidza, vanhu vachifunga kuti vari kuponeswa, vachiisa mazita avo pamabhuku, vachijoina chechi, vachidanidzira, vachisvetuka-svetuka.

¹⁶¹ Hongu, ndakaona maMohamedhi vachidanidzira. Ndakambonzwa . . . vanhu vanonwa ropa kubva mudehenya remunhu, uye votaura nendimi, voita zvimwe zvinhu zvose zviya. Ichocco hachisi chiratidzo chekuti wakaponeswa. Oo, kwete.

¹⁶² “Vaine chimiro chehumwari.” Ko chii “Simba racho” ravari kutaura nezvaro?

¹⁶³ Munoona, zvinhu izvozvo zvinokwanisa kuitika, uye nguva ipapo inenge yatodarika uye hamuzombozviviza. Hamungagone kutora mhando yemukana wakadaro. Regai kuzviita, shamwari. Huyai mupinde muchiri kukwanisa. Musarunzirwe nechimwe chivakwa chakakura kwazvo, rimwe sangano rakakura kwazvo, imwe nyanzvi huru yezgefundo yakakwenenzverwa kwazvo. Regai Shoko raMwari rikurunzirei. Ndizvo chaizvo zvakakonzera vaapostora vaye. Apo pavakaona Shoko iroro richiratidzwa, ndizvo zvakavarunzira, “Tine chokwadi!”

¹⁶⁴ Ndinogona kumira ndichitaura zvekare. Jesu, aine mhomho huru yezviuru yaiMutevera, Akati, "Vakawandisa. Tarirai, tarirai, chimwe chinhu chinoshamisa pano, pane vashoma vakadanwa...Hongu, vazhinji vakadanwa, vashoma ndivo vakasarudzwa."

¹⁶⁵ Saka zvadaro Akaona ungano yakakura, Iye akati, "Kunze kwekunge madya nyama yeMwanakomana wemunhu, monwa Ropa raKe, hamuna Hupenyu mamuri." Haana kumbobvira azvitsanangura.

¹⁶⁶ Handizive dai Aizotaura izvozvo muBeaumont, nhasi, zvisinei kuti Aizivikanwa zvakadii, munofunga kuti vanachiremba, nevanhu vane tsika dzakanaka, nevezvesainzi, vaizoti kudii? "Murume iyeye ndimusvetaropa. Zvakanaka, Iye anoda kuti munwe Ropa raKe? Zvakanaka, ko imhando ipi ye... Wava kuenda uchipengereka."

¹⁶⁷ Jesu haana kumbobvira azvitsanangura. Iye aida kuzunza zvikwekwe kubva paAri. Ndizvozvo chaizvo. Zvadaro ivo vose vakasimuka ndokuenda.

¹⁶⁸ Ipapo Akatarisa kune vaapostora avo vakanga vasina kutemerwa kuHupenyu, asi Akanga avasarudza. Vakanga vasina kugadzwa. Iye ndokuti, "Ko muchati kudiniko kana muchinge maona Mwanakomana wemunhu achikwira Kudenga uko kwaAkabva?" Oo, izvozvo zvaidzipa. Ko Akaitei...

¹⁶⁹ Ivo—ivo vashumiri vakati, "Kukwira Kudenga? Handiti, Murume uyu akaberekerwa muno muGarirea chaimo. Akaberekerwa muNazareta. Tinoziva amai vaKe, vanin'ina vaKe—vaKe. Tinoziva nzvimbo yaAichengeterwa mairi. Takaona mbatya dzaKe dzehuchache. Tinotaura naamai vaKe. Uye zvadaro uyu Murume oti akauya, uye ari kudzokera kumusoro kwaAkabva? Anobva kuNazareta. Ko sei Achiti, 'Kudenga'?"

¹⁷⁰ Iye haana kumbobvira azvitsanangura. Zvikwekwe zvichakawandisa nazvino. "Vakasimuka, uye vakarega kufamba naYe zvachose." Ndizvo zvakataurwa neBhaibheri.

¹⁷¹ Zvadaro akatendeuka akati, "Ini...Imi mose munoda kuendawo here, zvakare?" kune vane gumi nevaviri.

¹⁷² Rangarirai, vakanga vasingagone kuzvitsanangura, asi vaizviziva. Vaiziva kuti Aiva iye, saka vakati kwaAri...Iye akanga avarunzira nezviratidzo zvaKe zvakasimbiswa zvakanga zvabva kuna Mwari. Cherechedzai.

Iye akati, "Munoda kuendawo here, zvakare?" kune vane gumi nevaviri.

¹⁷³ Petro akati, "Ishe, tingaende kuna aniko? Nekuti tine chokwadi..." Zvino, izvozvo, tarisai, nzverai izvozvo. Chinombova chii? "Tinoziva kuti Shoko rinoti kudii pamusoro pezuva ranhasi. Tinoziva kuti Mesia anofanira kuitei kana

Achinge auya nhasi. Takaona chinhu ichi chichisimbisa naMwari.”

¹⁷⁴ Iye akazozvitaura pamberi apo, paPentekosti. Akati, “Jesu weNazareta, Murume akasimbisa naMwari pakati penyu, nezvinhu izvo zvaAnofanira kuita. Uye imi makatora Muchinda weHupenyu mukaMuroverera, uye—uye Mwari vakaMumutsa, izvo imi muri zvapupu zvacho.”

Cherechedzai pano, maona, iye akati, “Ko tingaenda kupiko?”

¹⁷⁵ Jesu akati, “Ndakakusarudzai imi vane gumi nevaviri, asi mumwe wenyu ndidhiyabhore.”

¹⁷⁶ Uye panongova negumi nemumwe vakamira ipapo, kubva pazviuru zvakapetwa zviuru. Gumi nemumwe vamire ipapo. Oo, ini zvango! Vakarunzirwa! Chokwadi.

¹⁷⁷ Mudzimai wechidiki uyu, paakarunzirwa, akapinda pakuita basa. Aifanira kuita chimwe chinhu pamusoro pazvo. Aifanira kutaurira mumwe munhu.

¹⁷⁸ Uye mweya wose wechokwadi unosangana naKristu, unofanira kutaurira mumwe munhu pamusoro paZvo.

¹⁷⁹ Petro, paakaMutora paShoko raKe, husiku huya pagungwa, akaMuona ari kunze uko, akambenge...kana kuti zuva iroro, ndiro racho. Ivo vakambenge vachiraura husiku hwose, uye vakanga vasina chavakange vabata, vakakukudza vachienda nekudzoka. Iyoyo inguva inoodza mwoyo, kana chero munhu upi zvake ari muredzi. Vakakukudza husiku hwose, uye iye aiva muredziwo, zvekare. Baba vake vaiva muredzi. Akange ave panyanza apa hupenyu hwake hwose, uye vabereki vake nemadzisekuru ake vakabva padziva guru iroro. Uye iye aiziva kuti kana mwedzi wakanaka, uye kuti mhepo yaivhuvhuta ichienda kupi, uye nezvimwe zviratidzo zvose. Uye iye airarama nekuredza. Saka akanga aredza husiku hwose, uye hapana chaakabata.

¹⁸⁰ Zvadaro vakazoona, zuva raitevera, kuti—kuti vakanga vati muPorofita uyu akanga ari kuzotaura, zasi pamahombekombe. Uye ndinofungidzira kuti, kubva mutwumba twavo twuduku makabuda madzimai madiki, nevamwe vakadaro, vaiuyako zasi kuzoMunzwa. Mhomho dzevanhu dzakava huru kwazvo, ndokupoterera mahombekombe, Iye akatozokumbira igwa iri, uye igwa raPetro. Vachibuda kuzogeza mambure avo, uye vasina kana hove imwe chete, zvino nokuakandira pamusoro kwakadaro; vawodzwa mwoyo.

¹⁸¹ Uye dzimwe nguva panguva yekuodzwa mwoyo iyi, kana mukatarisa, ndipo pacho paAnouya ipapo. Asi rega kuva bofu zvakanyanya kusvika pakuzvipotsa. Maona? Apo paunoona zvihu zvose zvichiitika nenzira yazviri kuitika nayo munyika

nhasi, rega kutya. Maona? Rega kutya. Ingo—ingoranganira, Akavimbisa kuuya kwauri.

¹⁸² Uye zvino cherechedzai apo paAkauya, Akaudza Petro, akati, “Zvino chiendai pakadzika mukande mambure kuti mubate.”

¹⁸³ Petro akati, “Zvichida. Handisati ndamboona izvi zvichiipta kumashure. Ini—ini handizive. Ndakaredza, hupenyu hwangu hwose, pano. Zvi—zviratidzo, tichangopedza kuraura, husiku hwose, nemumvura imwe chete iyoyo. Uye, zvakadaro, asi hamuna chirimo. Hapana kana chatabata. Asi paShoko reNyu, Ishe,” hezvoka izvo, “ndichadzikisa mambure. Shoko reNyu!”

¹⁸⁴ Unokwanisa kunge wakaenda nemuzvipatara zvose. Hama King, vanokwanisa kunge vachitaura kuti muri kuzofa. Ivo vanokwanisa kunge vachiti, hanzvadzi, izvi, izvo, kana zvimwewo. Handina hanyn'a nezvavakataura. “PaShoko reNyu, Ishe, ndichadzikisa mambure!”

¹⁸⁵ Apo paakaona Shoko iroro richisimbisa, apo Jesu paakamuudza chimwe chinhu, iye akazvitenda, uye akabva adzikisa mambure iwayo mumvura umo makanga musina hove. Asi, kana Mwari vachinge vataura kudaro, Ivo vanokwanisa kuisa hove imomo, senzira imwe chete yaVakaisa nayo mvura mumatenga.

¹⁸⁶ Ivo vanokwanisa kuisa kupodzwa mumutumbi wako, handina hanyn'a kana musina chirimo imomo. Unovimba naYe kuti achaumutsa mumazuva ekupedzisira. “PaShoko reNyu, Ishe, ndichadzikisa mambure.”

¹⁸⁷ Zvakarunzira muredzi wehove iyeye zvakanyanya, kusvikira akasiya hove nezvimwe zvose, akatevera Jesu. Yakanga iri runziro, apo paakaMutora paShoko raKe. Zvadaro ko iYe akazoite?

“Zvakanaka,” iye akati, “mazvita heNyu, Ishe, nekuda kwehove dzakanaka uye dzakawanda.”

Akati, “Siya mambure ako ega. Kubva zvino uchabata vanhu.” Muapostora akapinda pakuita basa!

¹⁸⁸ Pakupedzisira, kumagumo enzira, apo pavakanga vachienda kunomuroverera, kumuuraya, zvino iye akamhanya achibuda muguta. Uye ari munzira achibuda, sekutaurirwa kwatinoitwa nenhorondo, akanga achitiza nehupenyu hwake, achibuda muguta, zvino ndokusangana naJesu achidzoka. Ivo vakati, “Uri kuenda kupiko, Simoni?” Kana kuti, Simoni akati kwaVari, “Muri kuenda kupiko, Ishe?”

¹⁸⁹ Ivo vakati, “Ndiri kudzokera muguta kunorovererwa zvakare.”

¹⁹⁰ Simoni akatendeuka akadzokera. Zvino pavakamubata, akati, “Regai...” Vakamuisa pamuchinjikwa. Akati, “Regai

kunditurika saizvozvo. Isai musoro wangu pasi, netsoka dzangu dziri mudenga!"

¹⁹¹ Akanga arunzirwa paakaona Jesu amutswa kubva kuvakafa; akarunzirwa kuitira rufu rwake, iye akarunzirwa pane chero chipi zvacho. Akapinda pakuita basa. Rufu harwuna kukwanisa kumborwumisa. Muchinjikwa hauna kukwanisa kurwumisa. Akarunzirwa naJesu.

¹⁹² Murume bofu akapodzwa. Vakamuudza kuti anyarare, asi iye akashambadzira mbiri yaKe kwese-kwese. Vanhu vake vakati, "Zvino . . ." Vapriska vakati, "Zvino kana chero ani zvake akaenda kunopinda kurumutsiriro irworwo, ivo vanozongouya votora mapepa avo echechi, ndizvo zvoga." Zvino baba naamai vakatya nekuda kwaizvozvo. Maona? Saka ivo vakati . . .

Vakauya, vakati, "Ko mukomana uyu awana kuona kwake sei?"

Vakati, "Iye—iye akura; muvhunzei." Vakanga vachitya.

Asi iye akange apodzwa akange arunzirwa. Ameni.

¹⁹³ Iye akati, "Murume uyu mutadzi. Ipa kurumbidza kuna Mwari! Hativive kuti Murume uyu anobva kupi. Iye haana—Iye haana magwaro. Isu hatisi kubatirana pamwe naYe. Hatinei nechokuita naYe. Hativive kuti Anobva kupi. Tinoziva kuti Iye mutadzi uye—uye anobva kuna dhiyabhore."

¹⁹⁴ Murume uyu akava nemhinduro yakanaka kwavari. Iye akati, "Zvino ichi chinhu chinoshamisa kwazvo." Akati, "Zvino, imi munofanirwa kunge muri vatungamiriri venzvimbo. Uye Murume iyeye andipa kuona kwangu, asi imi hamuzive kwaAnobva." Iye akati, "Zvino, kuti Angange ari mutadzi, kana kwete, handikwanise kukutaurirai izvozvo. Asi chinhu chimwe chete ichi chandinoziva, ndokuti ndaimbova bofu, iye zvino ndave kuona."

¹⁹⁵ Akange arunzirwa. Akange asisina hany'n'a nekumira pamberi pevapriska kana chero chinhu. Akange arunzirwa. Vabereki vake, kunyangwe chishamiso chakaitika pamwanakomana wavo hachina kuvarunzira, asi chakamurunzira iye.

¹⁹⁶ Vanhu paPentekosti, sekutura kwandakaita husiku hwapfuura, vine chirongwa chavo cheinishuwareni cheHupenyu Husingaperi, apo pavakakwira kumusoro kuti vanotora . . . migove yavo paIri. Cherechedzai apo pavakarunzirwa. Vakanga vari vatsvene, vaiva nekuremekedza pamberi paMwari. Vakanga vakafukidza zviso zvavo kubva kune zvinhu zvenyika, uye netsoka dzavo mukuzvininipisa. Zvino pavakanza Simba raMwari richiuya, sekuvimbisa kwazvakanga zvaitwa naJoere, sekuvimbisa kwazvakanga zvaitwa nevaporofita, sekuvimbisa kwazvakanga zvaitwa

naJesu! "Mirirai kumusoro uko muguta reJerusarema kusvikira mazadzwa neSimba rinoMwanya Kumusoro." Pakarepo apo Mwari uyu, ari muMunhu weMweya Mutsvene, aburukira pavari, vakabva vakarunzirwa. Vakanga vasina hany'a kuti vanhu vakawanda zvakadii vaivaseka. Havo mumugwagwa vakabuda vachienda, vachidzadzarika semurume akadhakwa. Vakanga varunzirwa neMweya Mutsvene. Iwe unogona kurunzirwawo, zvekare. Vakamira ipapo . . .

¹⁹⁷ Mutarisei. Haana kuenda kwese-kwese ndokutaura imwe mhando yechitendwa. Akadzokera chaiko kuShoko, ndokuti, "Imi varume veJerusarema, imi vagari vemuJudheya, regai izvi zvizivikanwe kwamuri, uye teerera kumashoko angu. Ava havana kudhakwa sekufunga kwamunoita, tichiona kuti iawa yechitatu yezuva. Asi izvi ndizvo Zviya zvakataurwa nezvazvo namuporofita Joeri, 'Uye zvichaitika mumazuva ekupedzisira,' Mwari vanodaro, 'Ndichadurura Mweya waNgu pamusoro penyama yose.'" Vaive varunzirwa neShoko, kuShoko. Rinofanira kutiita zvime chete.

¹⁹⁸ Vakapinda pakuita mabasa, hongu, apo vimbiso yaKe payakazadzikiswa. Apo, pavakaona kuti Jesu akavavimbisa kuti Aizotumira vimbiso yaBaba pavari, Ruka 24:49, "Tarira, Ndinotumira vimbiso yaBaba vaNgu pamuri; asi mirirai." Kumirira hazvireve kuti namata, zvinongoreva kuti garira. *Mirira* zvinoreva kuti "garira." "Garirai muri kumusoro uko muguta reJerusarema kusvikira mazadzwa neSimba rinoMwanya Kumusoro." Zvino paya runziro iyi yeMweya Mutsvene payakavarova, Wakavazadza. Vakaona Shoko, iro rakanga ravimbisia naJesu, richizadziswa.

¹⁹⁹ Zvino, handizive kana zvaizotorera kurunzirwa kumwe chete patiri masikati ano? Kana takaona izvo zvaAkavimbisa kuti achaita mumazuva ekupedzisira, zvichizadziswa, ko imhando ipi yerunziro yaZvinozotipa? Chii? Zvose zvatakaona zvichiitwa mumazuva ano ekupedzisira zvinofanira kutiisa pakuita basa. Chokwadi zvinofanira kudaro, nekuremekedza nekuzvininipisa.

²⁰⁰ Pasina kana mumvuri wekupokana, kutaurwa kwakaitwa makore makumi matatu apfuura, pamusoro peShongwe yeMoto, iyo yakatorwa nemakamera. Kamera yenu yemuTexas yakazvibata nguva shoma yapfuura. Tsvakurudzo yesainzi, yakaiisa mumhando yose yetsvakurudzo yavaigona kuwana, kuburikidza neFBI. Uye . . . [Chibenga chisina chinhu patepi—Mupepeti] . . . ? . . . Wakatorwa muTexas, nemugari wemuTexas. Kana ukaona chiratidzo, hachigone kupikiswa. Ichokwadi. Asi uchatenda here Inzwi rinatevera chiratidzo chacho? Chiratidzo chakasimbiswa nesainzi. Zvino, rimwe zuva kana Jesu adzoka uye abvuta vanhu, nzira yose zvayo yeZvavari, zvichaziviswawo, zvekare.

²⁰¹ Cherechedzai, Shongwe yeMoto inofanira kutiisa mukuita basa, apo Shongwe yeMoto inenge ichisimbisa vimbiso yaYo yemazuva ekupedzisira. Jesu akati, “Ndinobva kuna Mwari, uye Ndinoenda kuna Mwari,” uye neizvo zvaAizoita mumazuva ekupedzisira. Uye hepano paAri, zvose mune zvesainzi nezvepamweya, ari muShoko achizviratidza, kuti Anobva kuna Mwari uye anongoramba ari mumwe chete. Iye achiri Mwari, wevimbiso mumazuva ekupedzisira. Izvozvo zvinofanira kutiisa mukuita mabasa.

²⁰² Zviratidzo zveKuuya zvava pedyo. Jesu akati, “Sezvazvaiva paSodhoma, nyika yave kuda kutopiswa, nyika yeMarudzi,” izvi zvaizodzoka. Zvinofanira kutirunzira uye zvotisa pakuita basa, zvakare. Apo patinoona Shoko richizadziswa, iro raAkavimbisa, zvinofanira kutiisa pakuita basa.

²⁰³ Isu, semuporofita, takaona magumisiro emasangano anozvisimudzira, achirasikirwa nenzvimbo yawo. Ndiri kuda kuti izvozvo zvinyatsosinina zvakadzika, nekuti ndinogona kusazotaura nemi zvekare. Asi, varume nemadzimai, regai nditaure izvi, uye nditaure kwamuri ndakasununguka, masikati ano, nemuZita raJesu Kristu. Varume vanofunga zvine musoro, varume vasingazvitutumadze, vari kure chaiko naMwari nekuda kwetsika; zvekuti, ivo vakaona chechi yePentekosti, makaona Baptisti, Methodisti, nePresbyteriani, makaona chechi yeKatorike, ichirasikirwa nenzvimbo yayo muna Mwari, dzichirasikirwa nekubatirira kwadzo paShoko, apo padzakagamuchira zvitenda.

²⁰⁴ Nda—ndakavhunzurudzwa nemuprisita, nguva shoma yapfuura, uye iye akati kwandiri, iye akati, “Handiti, ini . . .” Iye akandivhunza pamusoro pechimwe chinhu, uye nezvinhu izvi. Iye akati, “Zvakanaka, chechi yeKatorike yaimbozviita izvozvo.”

²⁰⁵ Ini ndikati, “Rinhi? Chechi yeKatorike haina kuita sangano kwemazana matatu emakore mushure mekuwa kwemuapostora wekupedzisira.”

Iye akati, iye akati, “Muri kuedza kuongorora nyaya yenyu neBhaibheri.”

Ini ndikati, “Ndiro Shoko.”

Iye akati, “Mwari vari muchechi yaVo.”

²⁰⁶ Ini ndikati, “Mwari vari muShoko raVo. Zvimwe zvose ngazvive nhema, uye raVo rive chokwadi.”

²⁰⁷ Uye iye akati, “Zvakanaka, iroro rinongova Bhuku iro—iro rakanyorwa nemaKatorike epakutanga.”

²⁰⁸ Ndiplat, “Saka ini ndiri muKatorike wepakutanga. Ndinotenda zvaRakangotaura chaizvo.” Handi . . . Ndiplat, “Zvadaro . . .”

Iye akati, “Zvakanaka, maona, isu tiri chechi huru zvino.”

²⁰⁹ Ini ndikati, "Saka makarasika papi? Chii chakaitika? Kana chechi yepakutanga yaidzinga madhimoni, uye ichiratidza Jesu ari mupenyu panyika, nezviratidzo zvepamweya nemashura; uye pano mava nezviuru zvevarevereri, vemhando dzose dzemadzimai pamwe nevarume vakafa, nezvimwe zvose, muchivaita varevereri. MuBhaibheri, papa wekutanga akataura, kuti, 'Hakuna mumwe murevereri pakati paMwari nemunhu asi Murume Kristu Jesu.'"

²¹⁰ Kurasikirwa nekubatirira kwenuy paShoko, uye muchigamuchira zvitendwa pamwe nekuzvisimudzira nekuda kwekurudziro yevanhu, takaona vachirasikirwa nekubatirira kwavo pane Mweya Mutsvene mukuru. Takaona maPentekosti vachiita chinhu chimwe chete. Uye munozviona. Apo pavanoita sangano, vanobva vafa. Hapana nzira yekudzoka; haina kumbobvira yambovapo, uye haizombovapo. Mwari vanopesana nechinhu ichocco. Chaizvoizvo chivi. Ndokuti, mumazuva ekupedzisira iYe achazoti, "Budai kubva pakati pavo, vanhu vaNgu, kuti musabate zvinhu zvavo zvisina kuchena; uye iNi ndichakugamuchirai."

²¹¹ SaUziya, ko akaedza kuitei? Akaedza kutora nzvimbo yehofisi yakazodzwa, hofisi yaMwari yakazodzwa. Uziya akaedza kutora masimba iwayo, nekuti akanga ari munhu mukuru.

²¹² Takaona masangano aya anozviitira zvinhu zvavo ega achibuditsa kunze zvinhu zvose zvinova Mwari, uye achizama kutora hofisi yeChehi, Chehi yakazodzwa. Uye kuburikidza nezvitendwa, takaona kuti iwo akafa mukusatenda, uye haazombomuke zvekare. Achafira mumusasa wewane maperembudzi nevamwe vose.

²¹³ Maona ipapo? Munhu, munhu anofunga, munhu anotenda Gwaro anozviona izvozvo. Kana wakaberekwa naMwari, unozviona. Mwari vachiratidza chinhu zvakanyatsojeka, kuti vakurunzire. Sekuparidza kwatakaita vhiki rose, pamwe nezvinhu, zvazvichaita, kukwezva maonero. Zvinokurunzira, kuona kwavakaenda uye kuti chii chakaitika, mumwe nemumwe wavo.

²¹⁴ Kana vakaronga rimwe, richaita chinhu chimwe chete. Asi hakuzove nemamwe awo. Kwete. Iwo, zvapera zvino. Nguva yapera zvakanyanya zvino.

²¹⁵ Vanorasikirwa nekubatirira kwavo, nekuda kwekugamuchira zvitendwa pamwe nedzidziso dzakaitwa nevanhu. Vanotya, kungouya kuzomira naRo. Maona?

²¹⁶ SaUziya achiedza kutora nzvimbo ye—yehofisi yakazodzwa, nekuti iye aiva muchinda mukuru, muchinda mukuru. Zvino pakati pevanhu vaMwari hapana machinda makuru. Tose tiri vana vaMwari. Mwari vanopa mumwe wedu chinhu chimwe chekuita, uye nechimwe chinhu chekuita, izvozvo hazvitiite vari

nani kupinda chero munhu upi zvake. Zvinongoita kuti Mwari vade zvakawanda paruoko rwako, ndizvo zvoga.

²¹⁷ Zvino zvinoitwa nechiratidzo chakadaro, uye tava kuvhara. Totanga kunamatira vanorwara, mumaminitsi mashoma. Zvino zvinoitwa nechiratidzo chakadaro. Ko zvibereko zvakaitie kune muporofita uyu? Handizive pamusoro pemuparidzi, handizive pamusoro pemuhangeri, kana kuti mufudzi? Tarisai izvo zvakaitwa nechiratidzo cheiZvi, uye kuti akaonei, izvo zvakanga zvaitika kuna Uziya wekuzviitira ega. Uye zvadaro, kunyangwe aive murume mukuru uyo akange aremekedzwa naMwari, chinhu chikuru, vakachiona chafa. Chii chazvakaita pamuporofita?

²¹⁸ Izvi ndizvo zvazvakaita. Zvakamuita kuti areurure pachake kuti aiva mutadzi nekuda kwekuwadzana nevakadaro. Iye akareurura, “Ndiri munhu ane miromo ine tsvina, uye ndakanga ndichigara pakati pevanhu vane miromo ine tsvina.” Zvichimuita kuti are... muporofita, kwete muparidzi. Muporofita akareurura kuti aiva munhu azere nezvivi, nekuti akange achiwadzana nevakadaro.

²¹⁹ Saka zvorevei? Apo paakareurura zvivi zvake, ipapo pakabva pauya kucheneswa. Oo, haugone kuva wakachena kubva kuchivi chako kusvikira wareurura kuti chivi, kusvikira wacherechedza kuti chivi. Zvadaro kucheneswa kwakabva kwauya, paakangopedza kutaura kuti, “Ndine nhamo, nekuti meso angu aona kusimbiswa kwaMwari mukuru. Ngirozi, Vapisi, Vapirisi vezvibairo vari pano, uye mbiru dziri kuzunguzika nokuda kweInzwi raVo, uye haVano vari muchiratidzo ichi, vachibhururuka vachidzoka nekuenda mberi.” Iye akanga aona chimwe chinhu chemazvirokzwavo. Chiratidzo chakanga chaburuka. Iye akati, “Ndiri munhu ane miromo ine tsvina, uye ndigere pakati pevanhu vasina kuchena.” Zvikanzi, akachemera tsitsi uye akazvidana pachake kuti mutadzi.

²²⁰ Zvadaro chii chakaitika? Imwe yeMakerubhi yakaenda kuaritari, ikanotora mbato ndokusimudza zimbe raipfuta, ikariisa paruoko rwaYo. Kwete kuritakura mumbato zvino; rakasimudza zimbe, rikariisa paruoko rwaYo, rikauya ndokuriisa pamiro yemuporofita, uye rikati, “Kusarurama kwako...”

²²¹ Kusarurama, chii chinonzi kusarurama? Kusarurama ndechimwe chinhu chaunoziva kuti chakatsveyama, asi uchiramba wakabatirira kwachiri. Apo pamunoziva kuti zvitendwa zvenyu zvakatsveyama, asi munoramba makabatirira kwachiri, ikoko ndiko kusarurama.

²²² Asi apo paakareurura kuti iye ainge akanganisa, pakava nesimba rinochenesa. Iye akatora zimbe reMoto. Makacherechedza here kuti sei Mwari...

²²³ Tinoona kuti Mwari vanoisa sei varanda vaVo muhurongwa, uye neizvo zvaVakamugadzira nazvo; kuti aizova sei, akazvininipisa, achiremekedza, uye ozviisa pachake pakuiita basa.

²²⁴ Cherechedzai, apo paVakachenesa muranda, haVana kumbozviita neseminari. Havana kumbozviita nemurwi wemabhuku. Tinoona pano kuti Mwari vanochenesa varanda vaVo neMoto. Zimbe reMoto rakagunzva muporofita, rikachenesa miromo yake. Mwari vanochenesa varanda vaVo neMoto waVo Mutsvene. Kwete nemabhuku, kwete nedzidzo, dzidzo yebhaibheri; asi Vakachenesa muranda waVo neMoto.

²²⁵ Zvadaro mushure mekunge angoreurura uye acheneswa, ipapo kutumwa kwakabva kwatevera. Chekutanga iye aifanira kureurura, zvadaro akatozofanirwa kuti acheneswe, uye zvino kwava kutumwa. Pakava ipapo zvino apo Isaya uya akange acheneswa akadanidzira...Apo paakanzwa Inzwi raMwari, rakati, “Ndiani achaTiendera?”

²²⁶ Tarisai kumashure munhoroondo, apo pamunenge muchiverenga izvi, pamunenge maenda kumba, izvo zvakanga zvaitika kune Israeri. Iyo yakanga yasvika (papi) panzvimbo imwe chete patiri. Ivo vakanga vadana...Zvipiriso zvavo zvose nezvinhu zvakanga zvava tsika kwavari. Pakanga pasisina kuperera. Vakanga vasingaremekedze Shoko raMwari. Ndipo apo Mwari pavakasimudza Isaya, kuti vamutaurire kuti zvipiriso zvacho zvakanga zvonhuwa mumhino dzaVo. Vakanga vasingazvide. Zvaiva kumhura kwaVari, zvadaro Ivo vakanga vasisade kuva nechekuita nezvazvo zvachose. Uye apo...Isaya uyu akanga acheneswa uye agadzirira kuenda kunoparidza Evhangeri.

²²⁷ Zvino Inzwi raMwari rikati, “Zvino pava nezviri kudiwa. Zvinhu izvi zvinofanira kuti zvitaurwe.” Uye rimwe Inzwi rikati kune rimwe, Ngirozi dzaibhururuka, ndokuti, “Ndiani achaTiendera?”

²²⁸ Ipapo Isaya, ava nemwoyo wakachena; acheneswa, areurura, acheneswa uye ndokutumwa, chiratidzo; ndokuti, “Ndiri pano, Ishe, nditumei. Ndiri pano, nditumei.”

²²⁹ Mwari, tumai Ngirozi dzeNyu tsvene zvekare nhasi. Wanai Isaya weNyu pane imwe nzvimbo, munamato wangu. Ini—ini handisi...Ndiri kungotaura izvi nekuti ndinoziva kuti iYe ari pano.

Apo zimbe reMoto parakange rabata
muporofita,
Richimuita kuti ave akachena nokuchena
kwose,

Apo Inzwi raMwari parakati, “Ndiani
achaTiendera?”
Ipapo akapindura, “Tenzi, ndiri pano,
nditumei.”

²³⁰ Akanga asisatyе zvino ane Shoko. Aiva muporofita; Shoko
raikwanisa kuuya kwaari. Iye aive... Kusatenda kwake kwose
netsika zvakange zvaenda. Aikwanisa kumira pamberi pezera
iroro rezvetsika, zvino ovaudza kuti, “Zvipiriso zvenyu zviri
kunhuwa mumhino dzaMwari. Uye Mwari iyeye wamunoti
muri kushumira, achakuparadzai.” Ndizvo zvaAkataura.
“Mwari iyeye wamunoti muri kushumira, achakuparadzai,”
uye Akazviita.

Ivo vakati, “Chiratidzo!”

Iye akati, “Ndichakupai chiratidzo chepamusoro-soro;
mhandara ichava nemimba.”

²³¹ Isaya akanyora zvitsauko makumi matanhatus nezvitanhatu
muBhuku rake, uye mune maBhuku makumi matanhatus
nematanhatu muBhaibheri. Iye anotanga nemavambo
ezvisikwa, uye ozopedzisira ari muMireniyamu sezvinongoitwa
neBhaibheri rose.

²³² Muporofita mukuru uya waMwari, uyo akanga achitoda
kutaura kuti tsika dzavo dzose dzaiva dzakatsveyama; uye
ndokuenda zasi ikokoakanocheneswa, uye kuitira kuti Shoko
raMwari rigouya kwaari. Zvadaro iye akati, “Ndagadzirira
kuenda, Ishe. Ndagadzirira. Ndichataura izvo zvaMuchati
nditaure. Ndichareva izvo zvaMuchati ndireve.” Iye akanga
agadzirira kuenda.

²³³ Mwari, hunzai Ngirozi zvekare, masikati ano, Mweya
Mutsvene neMoto, uye muchenesse mwoyo yehama dzangu,
kwese-kwese. Dai ivo vakava runziro kwadzo kusvikira vamwe
vachaona uye voda kuteverawo, zvekare.

²³⁴ Ngatikotamisei misoro yedu. Chinyararire:

Apo zimbe reMoto parakange rabata
muporofita,
Richimuita kuti ave akachena nokuchena
kwose,
Apo Inzwi raMwari parakati, “Ndiani
achaTiendera?”
Ipapo akapindura, “Tenzi, pano, nditumei.”

Chinyararire zvino, tose pamwe chete.

Taurai, Ishe wangu, taurai, Ishe wangu,
Taurai, zvino ndichakurumidza
kuKupindurai;
Taurai, Ishe wangu, taurai, Ishe wangu,
Taurai, zvino ndichapindura, “Ishe, nditumei.”

Mamiriyoni zvino ari muzvivi
 nomukunyadzisva vari kufa;
 Teerera pakuchema kwavo kune kusuwa
 pamwe nekurwadziwa;
 Kurumidza, hama, kurumidza kunovanunura;
 Kurumidza kudavira, “Tenzi, ndiri pano.”
 Taurai, Ishe wangu, taurai, Ishe wangu,
 Taurai, zvino ndichakurumidza
 kuKupindurai;
 Taurai, Ishe wangu, taurai, Ishe wangu,
 Taurai, zvino ndichapindura, “Ishe, nditumei.”

²³⁵ Ngatirwuimbei mahon'era, chinyararire. [Hama Branham vanotanga kuimba mahon'era *Taurai, Ishe Wangu*—Mupepeti] Ngatidzikei zasi kutemberi zvino.

Teerera pakuchema kwavo kune kusuwa
 pamwe nokunorwadziwa; (Oo, hama, huya
 nen, haungadaro here?)
 Kurumidza, hama, kurumidza kunovanunura;
 (Havazive kuti isangano ripi, ravangaende
 kwariri, kana zvaro.)
 Kurumidza kudavira, “Tenzi, ndiri pano.”
 Taurai, Ishe wangu, taurai, Ishe wangu,
 (VanaIsaya, muri pano here?)
 ...zvino ndichakurumidza kuKupindurai,
 Taurai, Ishe wangu, taurai, Ishe wangu,
 Taurai, zvino ndichapindura, “Ishe, nditumei.”

²³⁶ Handizive, nemisoro yenyu yakakotamiswa uye nemwoyo
 yenyu yakakotamiswa, Isaya, uri kupi? Ungasimudza
 ruoko rwako here, uye woti, “Ishe, ndiri pano, nditumei.
 Ndagadzirira”? Mwari vakuropafadzei. Zvino nyatsorevesai.
 Zvikamu makumi mapfumbamwe kubva muzana zveungano.

Taurai, Ishe wangu,
 Taurai, zvino ndichapindura, “Ishe, nditumei.”

²³⁷ Tarisai, vashumiri, imi masimudza ruoko rwenyu. Tarisai
 madzimai edu, hanzvadzi dzedu, zvinonyadzisa zvakadini!
 Tsk, tsk, tsk, tsk, tsk! Tarisai varume vedu, vanofunga
 zvakanyanya pamusoro pesangano kupfuura zvavangaite
 paShoko raMwari. Jesu Kristu achizviraticza pachaKe pakati
 pavo, uye chaizvoizvo riri Gwaro riri pachena uye richiziviswa,
 asi zvakadaro ivo vanoramba vakazembera kwazviri. Hama!

²³⁸ Mumwe munhu oti, “Zvakanaka, handingazombova
 nechimwe chinhu. Ini—ini...kuti ivo...Handizove nenzvimbo
 yekwekuenda.”

²³⁹ Hama, dai ndaifanira kudya mabhisikiti akabikwa nesoda
 uye ndonwa mvura yemukakova, ndaizogara naIshe wangu. Iye
 ndiye hupenuy hwangu. Ndiye chingwa changu. Imi munofunga

kuti ndinoita izvi kuti ndive ndakasiyana? Ndinoita izvi nekuti ndinoMuda, nekuti ndiko kutumwa kwangu. Mira divi nedivi, naYe, neShoko iroro!

Oo, taurai, zvino ndichapindura, “Ishe, nditumei.”

²⁴⁰ Baba veKudenga, apo mumhanzi pauri kurira zvinotapira, dai munhu wese ari muHupo hwaMwari, Ishe, aona kuti iyi inguva yekudanwa. Iyi i—iyi inguva yekupatsanura, apo hundi ne—negorosi zvinenge zvichipatsanurwa. Kunyangwe go—gorosi rakanga rakaputirwa muhundi, asi zvino yava nguva yekudanirwa kunze. Ndeimwe eksodho.

²⁴¹ Ndinonamata, Mwari, sezvo Chiedza chikuru cheMwanakomana chaibvisa tsanga pachinhano chegachegea cheHupenyu hwayo, kubva panguva... SemuCanada zvino, apo gorosi pariri kungosimuka, zuva riya rinopisa remuna Chikunguru rinozoriuraya iye zvino, asi iro rinofanira kuibva zvichienderana nenzira iyo masikirwo anounza zuva pariri. Ndizvo zvinoitawo Mwanakomana anopisa padzidziso yaLuther, Wesley nevamwe vose, Rinoipisa kwazvo, asi riripo kuti riibvise gorosi. Rinofanira kunge raibva, Ishe, sekungosimuka kwaRanga richiita.

²⁴² Asi, rangarirai, matavi ose akatemwa akabviswa, uye Muti weMwenga ndokubuda uchibva nepakati chaipo. “Ndichadzoreredza, zvekare, makore ose ayo muteten, mupedzachose,” chipuka chimwe chete, chinongova muzvinhano zvakasiyana, “chakadya. Ndichazvidzoreredza,” ZVANZI NAJEHOVHA. Uye Imi muchazviita, Ishe. Makazvivimbisa. Ndinonamata kuti Muchazviita mumwoyo mumwe nemumwe masikati ano.

²⁴³ NdeveNyu, Ishe. Ndinovaisa kwaMuri zvino. Uye ndinogona kusazovaona zvachose. Kana ndikazodzoka, kwapera gore kubva nhasi, pane vakawanda vakagara pano, kana ndiri kurarama, vachange vasisipo. Pasina kupokana, mhomho iyi yakakura kudai, nguva inotevera yandinosangana navo pachange pari paKutongwa. Itai kuti vaone, Ishe. Itai kuti vavhure meso avo, kana pane... uye vaone.

²⁴⁴ Ava vose vari patepi, Ishe, avo vakateerera kuInzwi renguva ino, mumitauro mizhinji yakasiyana-siyana, zvokuti richitoturikirwa, dai vanzwisisa. Dai varume nemadzimai, mutwumba twudiki, uye kunze uko mumasango madiki muAfrika, netwumichina twudiki utwo netwumachubhu munzeve dzavo, dai vanzwa, Ishe, vanzwa. Zviitei. Mumishinari aiva pachokwadi pane zvaakataura, asi uhu huchapupu hukuru pane uhwo hwaaiya nahwo. Agadzirira zvino. Tinzwei, Baba. Tinozviisa zvose kwaMuri, nemuZita rajESU Kristu, Mwanakomana weNyu, uye kuitira kudanwa kweMwenga waKe. Ameni.

²⁴⁵ Zvino, hama yangu, hanzvadzi, tiri kuzonamatira vanorwara, mumwe nemumwe wenyu uyo asimudza ruoko rwake. Ha—handikwanise kukupa. Dai ndaigona kukupa kwamuri, ndaizozviita. Zvirokwazvo, nda—ndaizodzika zasi ikoko chaiko uye ndoti, “Pano, munokuda here? Ndi—ndichava nako.” Hakusi kwangu kuti ndikupe. NdiMwari, uye Mwari vanozokupa kwauri kana une nzara mumwoyo mako.

²⁴⁶ Pasati pambova nekudana kune pakadzika panofanira kuve nepakadzika kuti padavire pakudana ikoko. Pasati pava nechisikwa, panofanira kuve neMusiki kuti asike chisikwa ichocho.

²⁴⁷ Unoziva pane chimwe chinhu ipapo chauri kuedza kusvikira; panofanira kuve nechimwe chinhu kunze uko chinodavira pane kudana ikoko. Hamungachigamuchire here zvino? Musarege chichifa. Ndapotu musadaro. Kana ndikasazokuonai zvekare kudivi rino reKutongwa, dai ndikakuonai Ikoko, makagezwa uye makagadzirira. Munamoto wangu!

²⁴⁸ Zvino Mwari waAbrahama, Isaka, naJakobho, Uyo akauya panyika ari muchimiro cheMunhu, Mwanakomana waMwari, Jesu Kristu; Uyo akatambudzika pasi paPontio Pirato, akarovererwa, ndokuvigwa, akamuka nezuva retatu; uye akakwira Kudenga, uko kwaAgere zvino kuruoko rwerudyi rweHumambo; achitumira zvekare Mweya waiva paAri, unonzi Mweya Mutsvene, Mwari, pamusoro... kuti uuye pamusoro pevanhu, kuzoyanana, nokuenderera mberi neshumiro iyo yakanga ichienderera mberi iri mumutumbi waKristu unobwinya. Sekunge... uchiuya sekuumbwu kwakaita piramidhi, *saizvozvo*, Ibwe repamusoro harina kumbobvira rakaiswa pairi. Sei? Rakarambwa.

²⁴⁹ Zvino, zasi uko, Chechi yakaramba ichidzoka kuva vashoma, yakwira ichiuya kumusoro zvino kusvikira mazera ekereke ose apera. Iyo inofanira kuvezwa. Dombo iroro rinofanira kukwana zvakarurama. Shumiro yaiva muna Jesu Kristu inofanira kuve muChechi yaKe, zvigoita kuti Kristu avinge Chechi, omutsa chizvarwa chega-chega, kuMuunza, kuiburitsa kunze.

²⁵⁰ Sezvakangoita gorosi. Gorosi rinofanira kudzoka chaizvozvo, apo parinenge ratanga kuibva, kubva patsanga apo parakawora, rikafa, uye rikamuka ndokuramba richikura kubva pauswa richiva chimwe chinhu. Haugone kudzokera kuuswa. Rega kunongedzera kumashure kuuswa. Rega kunongedzera kumashure kune *izvi*. Rega kunongedzera kumashure kune chisote. Ramba uchiuya kusvikira wasvika pagorosi. Uye gorosi rinofanira kuve gorosi remhando imwe chete nerakaenda muvhuhu, kana richinge raibva. Jesu akamuka kubva kuvafi. Iye aibva zvino. Uye iYe aibva muChechi yaKe, kuburikidza nekururamiswa, kucheneswa, rubhabhatidzo rweMweya Mutsvene; kuburikidza nemuvavandudzi ava mumazuva

epakutanga, zvino pano Ari panyika nhasi ari muvanhu vaKe. Mutendei. Ari pano.

²⁵¹ Kungoti mukwanise kuMuona bedzi, (munokwanisa kunge muri vaenzi), dai Mwari veKudenga varemekedza izvo zvandataura pamusoro paVo. Zvino ndinoda imi muri muungano, ndapota, ngaparege kuva naani zvake anobuda zvekare. Ingopai Mwari veKudenga kuremekedzwa kwakawanda uku, kuti mungogara kwekanguva. Zvino regai kufamba. Regai munhu wese ari muno, ari kurwara kana ane chaanoshaiwa, simudza ruoko rwako. Kana kuti iva... Zvakakanaka. Maita henyu. Zvino, handizive....

²⁵² Ndinoziva Hama King, vakagara pano chaipo. Ndangovacherechedza, maminitsi mashoma apfuura. Ndine chokwadi. Ndinofunga kuti ndivo, ndiHama King vakagara apo. Ivo vakatsigira nemari musangano wangu wekupedzisira pano. Hama King, handigone kutaura zvandiri kuda kutaura, asi imi munoziva kuti ndinoziva zvandiri kuda kutaura. Manga muchipfuura nemakaoma, hama yangu diki. Mwari vave netsitsi kwamuri.

²⁵³ Vamwe, handivazine. Ndichiri kuona Pat Tyler akagara pano. Ndinofunga kuti ndiyе murume ega muno muchivakwa, kana mudzimai ega, ane chero chinhu chandinoziva nezvacho, murume uyu, Pat Tyler, akagara pano.

²⁵⁴ Tendai zvino. Uye kana ndiri muranda waMwari, uye kana Mwari vari pano, uye ndaratidza Shoko raVo kuti ndereChokwadi; zvadaro regai Mwari veKudenga, aVo vakamutsa Mwanakomana waVo, Jesu Kristu, aVo vakaita vimbiso idzi, vazviratidze kwamuri, kuti ndataura Chokwadi.

²⁵⁵ Ko iYe aizozviita sei? Kwete nekuuya akapfeka nguwo refu, nendebvu. Asi Hupenyu hwaKe, "Ndini Muzambiringa, imi muri matavi." Hupenyu huri muMuzambiringa ndihwo huri mudavi. "Mabasa aNdinoita nemiwo muchaaita," uye akazvivimbisa muzuva rino, apo pachabuda davi rinotevera. Tine matavi akawanda akadzimikirwa; chokwadi, achabereka muchero, asi kwete mhando iyi yemuchero. Oo, kwete.

²⁵⁶ Ndakaona muti muPhoenix, kwete nguva refu yapfuura, waiva nemichero ingaite misere kana mipfumbamwe yakasiyana pauri. Hama John Sharrit ndivo vaiva muridzi wawo. Ini ndikati, "Imhando ipi yemuti uyo?"

Ivo vakati, "Muti wemaranjisi, Hama Branham."

²⁵⁷ "Asika," ndikati, "pane maremani nemagirepifurutu ne-nematanjero, nematanjerini."

²⁵⁸ Zvino ivo vakati, "Hongu, yose michero yemacitrus." Vakati, "Ndakaidzimikira imomo."

²⁵⁹ "Oo," ndikati, "ndaona. Zvino, gore rinouya, iwo ose achange ari maranjisi?"

²⁶⁰ Ivo vakati, “Oo, kwete. Huh-uh! Kwete. Gore rinouya remani richange riri remani, gire—girepifurutu richange riri girepifurutu.”

²⁶¹ Ndkati, “Kubva pane muzambiringa mumwe chete iwoyo here? Kubva pane mumwe chete, kubva pane—kubva pane muti wemuranjisi here?”

²⁶² Ivo vakati, “Hongu. Iyo yose michero yemacitrus, Hama Branham. Unorarama nemuchero wemucitrus.”

²⁶³ Zvadaro ndakanzwa misodzi ichidzika pamatama angu. Ndkati, “Ishe Jesu, ndave kuziva zvaMunoreva zvino.” Hezvoka izvo. Masangano aya akazvidzimikira imomo, asi ari kubereka muchero wemasangano.

²⁶⁴ Teerera. Kana davi iroro rechokwadi rikazobereka... Muzambiringa chaiwo ukabereka rimwe davi, iroro rinenge riri repamavambo. Zvitendei.

²⁶⁵ [Imwe hanzvadzi inotanga kutaura nendimi—Mupepeti] Sh-sh-sh-sh-sh! [Inoenderera mberi uye yopedzisa. Imwe hama inopa dudziro.] Tinotenda Ishe. Kuti iVo vakazvivimbisa!

²⁶⁶ Zvino munhu wese ange achiremekedza kwazvo. Ndichangomira pano zvino ndokumbira Ishe Jesu.

²⁶⁷ Ichi chipo. Chii chinonzi chipo? Kuti kana ndikakwanisa kubvisa mafungiro angu, kana ndikakwanisa kubvisa hupenyu hwangu kubva mandiri, hupenyu hwangu—hwangu hwepanyama, munhu wangu wemukati, anova William Branham; kana ndikakwanisa kumubvisa munzira, Mwari vanozoshandisa mwuya, mutumbi kutaura.

²⁶⁸ Regai Mweya Mutsvene auye zvino, Ishe, kuti ivo vaone, kuburikidza nevanhu, kuti Mweya Mutsvene wakaziviswa uri pano. Chipo chekuzviita kuti iwe pachako, nzira...

Munhu wese achiremekedza. Garai makadzikama.

²⁶⁹ Anongove murume akagara kunze kuno. Zvino ndinoda kuti imi mose musimudze misoro yenu uye motarisa kwekanguva. Muri kuona here Ichu pano chaipo pane murume uyu? Chiedza, Chiedza chine ruvara rweemba, chiri kubvira, sechinotenderera sekunge... Vangani vakaona mufananidzo waCho? Wakatorwa muno muHouston. Muri kuona? Iwo uri muWashington, DC, nepasi rose. Chinhu chega chemweya chati chambotorwa mufananidzo, pasi rose. HeChinoi chiri pano chaipo zvino.

²⁷⁰ Ndinotora mwuya wose uri muno ndichiuisa pasi pesimba rangu, nemuZita rajesu Kristu.

²⁷¹ Murume uyu ari kurwara nedambudziko remukati mehuro yake. Ini handimuzive, handina kumbomuona muhupenyu hwangu, asi ichocco ichokwadi. Handizvo here, changamire? Munotenda here zvino? Murume ari kumashure uko, unotenda here kuti Mwari vachazivisa kwandiri pamusoro pako?

Ndimi VaHall. Ndiro zita renyu, handizvo here? Zvakanaka, changamire. Zvapera zvino. Kutenda kwenyu kwakuporesai.

²⁷² Ndaigona kudana mutsara wekunamatira, uye ndovaita kuti vauye kumusoro kuno papuratifomu. Hazvisisina basa. Ngatitorei mumwe wemitsara iyi pano, pane imwe nzvimbo. Pano, totangira apa chaipo. Pano pane musikana mudiki akagara pano. Tarisa kuno, mudiwa. Unogona kunge usina chakakanganisika newe, handizive. Asi kungoti, panzvimbo yokuti mutsara wemunamato unge uchiuya kumusoro kuno, ngatiite kuti uende zasi kuno.

²⁷³ Tarisa kuno, mudiwa wepamwoyo. Tarisa kuna Hama Branham. Mumazuva ayo Jesu aiva panyika pano...Hongu, ari kurwara. Iye ari kurwara zvakanyanya, mwana uyo ari apo. Hongu, changamire. Dai Jesu aiva pano, Iye aizokutaurira kuti chii chakakanganisika newe, haAidaro here? Unotenda here kuti Jesu akatuma Hama Branham kuti vazviite? Kana ndikakutaurira kuti chii chakakanganisika newe, unotenda here kuti Achakupodza? Chirwere cheshuga, mwana mudiki uyo. Hapana imwe nzira munyika yekuti icho chipodzwe kunze kwaMwari. Unotenda here, mudiwa?

²⁷⁴ Zvino mudzimai akagara pedyo, uyo asimudza ruoko, ndivo amai vemwana wacho. Ndizvozvo. Isai ruoko rwenyu pamusoro pake, hanzvadzi. Tendai zvino. Mwari vakaunza mwana iyeye kwamuri. Dai Ishe vakamupa kupodzwa kwake.

²⁷⁵ Mudzimai uyu anotevera, akagara pedyo naamai apo. Tarisa kuno kuneni, mudzimai. Unonditenda here kuti ndiri muranda waKe, muranda waMwari? Kana Mwari vakandiudza chimwe chinhu muhupenyu hwako, kana icho chauri kuda, kana uchirwara, kana kuti hausi kurwara, kana chingava chii zvacho; kana Mwari vakanditaurira zvishuwo zvako, uchatenda here? Kana chimwe chinhu chakada kudaro, handizive kuti iYe achaitei, ungazvitenda here? Unoziva anofanira kuve Jesu Kristu.

²⁷⁶ Uri kure neni chaizvo. Hawaigona kundibata dai waitoda kudaro; nekuti, dai waindibata, kwaizonge kuri kwepanyama. Unofanira kubata Mweya. Mweya ndiKristu. "Iye ndiyе Muprisita Mukuru zvino," Bhaibheri rinodaro, "anokwanisa kubatwa nemanzwiro ehutera hwedu."

²⁷⁷ Uri kurwarawo, zvekare. Unotenda here kuti Mwari vanokwanisa kunditaurira kuti dambudzikiko rako nderipi? Uri kurwara nedambudzikiko remusana, uye neBP, uye u—une BP, uye mune chirwere chemwoyo. Ndizvozvo chaizvo. Kana zviri izvo, simudza ruoko rwako. Ndizvozvo chaizvo. Unotenda zvino here?

²⁷⁸ Ko iwe wakaisa ruoko rwako rwakamumbundira mudzimai apo? Mudzimai neche uku, tarisa kuno. Uno...Haundizive. Unotenda here kuti ndiri muranda waKe? Unonditenda here,

kuti izvo zvandaura iChokwadi, kuti ndakutaurira Chokwadi. Unotenda here kuti Mwari vanokwanisa kundiratidza dambudziko rako? Chero icho, iVo...chingava chii zvacho, unotenda kuti Anokwanisa kuzviratidza? Chaizvo hachisi chimwe chinhu chauri kuda iwe kuti chinamatirwe. Une kadhi remunamato, ndiri kuriona muruoko rwako; ndiwe wekutanga kuva nekadhi remunamato. Unotenda here kuti Mwari vanokwanisa kundiudza kuti kadhi remunamato wariwanirei? Kuitira murume wako. Unotenda here kuti Mwari vanokwanisa kundiudza kuti chii chakakanganisika nemurume wako? Kana Mwari vakasamubata, ari kuzofa. [Hanzvadzi inoti, "Ndizvozvo."—Mupepeti] Iye ane kenza uye ane dambudziko remumapapu. Ndizvozvo, handizvo here? ["Ichokwadi."] Uh-huh. Simudza ruoko rwako kana zviri izvo. Kana iwe ukatenda, vamwe vose vachatenda, iye anogona kupodzwa.

²⁷⁹ Murume uyo akagara pedyo newe, munotenda here kuti ndiri muranda waKe, changamire? Kana Mwari vakazvizarura kwandiri kuti dambudziko renyu nderei, munozotenda ipapo nemwoyo wenyu wose here? Muri kurwara nechirwere chemwoyo. Ndizvozvo. Kana izvozvo zviri izvo, simudzai ruoko rwenyu. Uh-huh. Zvakanaka.

²⁸⁰ Mudzimai angozunguza musoro wake uye naiye pachake, saizvozvo, akagara pedyo nemi. Unotenda here kuti Mwari vanokwanisa kundiudza zviri mwoyo wako, kana chimwe chinhu chaunoshuva mumwoyo mako, kana chimwewo chinhu, kana chimwewo chinhu, chauri kunamatira mumwewo munhu? Unotenda here kuti Mwari vanokwanisa kuzvizarura kwandiri apo chizoro chiri pano, uye kuti tinokwanisa kuChiona uye kuona kuti Chinofanira kuva chimwe chinhu chemazvirokzwavo? Chiri kuzarura zvakavanzika zvemwoyo, kutaura izvo, sezvakangoita Jesu akaudza mudzimai pastime. Zvino newewo uri kurwara. U-uri kurwara nedambudziko remusana. Rako riri pamusana wako. Simudza ruoko rwako kana zviri izvo. Uh-huh.

²⁸¹ Zvino mudzimai ari pedyo naye, ari kuchema, nechikwama chako chiri muhomwe mako, wakapfeka dhirezi rebhuruu, nevhudzi rakasvibira, uri mufemu. Tarisa kwandiri. Unotenda here kuti ndiri muranda waMwari? Tarisa kuno. Waona, uri pamutsara wepamberi, ndinokwanisa kutaura newe zviri nyore, nebetsero yaMwari. Unotenda here kuti Mwari vanokwanisa kundiudza kuti dambudziko rako nderipi, sekunge waiva mumutsara wekunamatirwa? Unotenda here kuti izvozvo zvinokwanisa kudaro, kubva pano? Unodaro here? Une BP iyo yauri kurwara nayo. Ndizvozvo, simudza ruoko rwako. Zvakanaka. Iwewe tenda, uye unokwanisa kupora.

²⁸² Mudzimai ari pedyo naye. Unofungei, hanzvadzi? Tarisa neche kuno, kwandiri. Unotenda here kuti ndiri muporofita waMwari, kana kuti muranda waKe? Unodaro, nemwoyo

wako wose here? Unotenda here kuti Mwari vanokwanisa kurondedzera kwandiri, semudzimai wepatsime, apo Jesu nemudzimai pavakasangana, kuti vanokwanisa kundiudza kuti dambudzikzo rako nderei? Unotenda here? Zvinozokubatsira here, zvinozokubatsira kuti utende here? Tarira. Oo, une chinhu chakakomba. Mwanakomana, mukomana. Uh-huh. Uye mukomana iyeye anohutahuta nekuda kwepfungwa. Ari kumba. Ndizvozvo. Kana izvozvo zviri izvo, simudza ruoko rwako. Tenda nemwoyo wako, mukomana achapora. Iwewe tenda.

²⁸³ Mudzimai anotevera ipapo. Unotenda here, hanzvadzi, nemwoyo wako wose? Unotenda here kuti ndiri muporofita waKe, muranda waKe? Unotenda here kuti ndiJesu Kristu, kubudikidza bedzi nechipo icho...

²⁸⁴ Kuporofita chipo. UnoZiva, chipo chaMwari, chakagadzwa kumashure chaiko uko nyika isati yavambwa. Chaifanira kugadzwa kuitira zuva ranhasi. Hauna nzira yekukwanisa kuziva kuti chinombova chii. Mwari vanongochiratidza uye vodudzira Shoko raVo.

²⁸⁵ UnoZvitenda here izvozvo kuti ndizvo, izvo zvawanzwa? Unotenda here kuti ini ndaikwanisa... Kana ndikakwanisa kukutaurira kuti chii chakakanganisika, unoZiva kuti haainge ari ini. Aitofanira kunge ari Mumwe; rinongova inzwi rangu, asi Mumwewo munhu ari kurishandisa. Sezvakangoita maikirofoni iyi, inenge yakanyarara kusvikira chimwe chinhu chataura kuburikidza nemairi. Hatizivane. Maona? Handichisina kubat-...

²⁸⁶ Hepano paari. Hongu, changamire. Mudzimai ari kurwara nechirwere chekupererwa neropa. Zviri muropa rake. Kana izvozvo zviri izvo, simudza ruoko rwako, mudzimai. Ndizvozvo. U-uri kunamatirawo zvekare uyu mukomana mudiki ari kumucheto. Iyeye mwanakomana wako mudiki akagara uko kumucheto. Kana izvozvo zviri izvo, vheyesa ruoko rwako. Kana Mwari vakandiudza kuti chii chakakanganisika pamwanakomana wako mudiki, unoZitenda nemwoyo wako wose here kuti Mwari vanotaura kwandiri, uye kuti ndizvozvo? Ari kurwara nekuda kwechinhano chekuhutahuta kwakanyanyisa. Ndizvozvo. Handizvo here? Saka turika ruoko rwako paari, uye wotenda nemwoyo wako wose, zvino achaита zvakanaka.

²⁸⁷ Ndinokupikisai kuti mutende! ZVANZI NAJEHOVHA. Texas, kana mukafa muzvivi, munofa musina ropa rangu pamuri. Rangarirai, ropa renyu harisi pandiri. Hecho icho Chokwadi! NdiJesu Kristu achiratidza, mitsara yekunamatirwa, chero kupi zvako kwauri. Tendai pana Ishe Jesu Kristu! Munozviita here? Magutsikana here, manyatsogutsikana here zvakakwana kuti anofanira kuva Jesu Kristu maringe neShoko revimbiso muzuva ranhasi? Simudzai maoko enyu,

munhu wese anyatsogutsikana zvakakkwana kuti ndiShe Jesu Kristu. Ameni. Mwari vakuropafadzei.

²⁸⁸ Ndinoziva makadzidziswa. Makadzidziswa, mumwe nemumwe wenyu, chimwe chinhu. Uye ndinoona kuti ndechi—ndechi...zviri kuzodza kwazvo, unogona kuita kuti zviende kwese-kwese zvino, munoono. Makadzidziswa kuti munofanira kuturika maoko pane vanorwara. Iyoyo itsika. Izvozvo zvakanaka. Jesu akazvitsigira.

²⁸⁹ Asi muRoma uye, ndizvo zvandanga ndichiedza kuti ndiunze kwamuri, vhiki rino. “Handina kukodzera,” akadaro muRoma, “kuti Muuye mumba mangu. Ingotaurai Shoko!” Maona?

²⁹⁰ Kana mumwe munhu akaturika maoko pauri, zvadaro, “Hama *Nhingi-nhingi* vakaturika maoko pandiri, Mwari ngavarumbidzwe!”

²⁹¹ Ndi—ndi—ndichakumbira vashumiri, vashumiri vanotenda kuti vauye pano, kuti zvingove, kuti asangove maoko angu, zvi—zvi—zvinongova izvo zvakataurwa naJesu, “Vachaturika maoko pane vanorwara.”

²⁹² Tichanamatira vanorwara, munhu wese. Vangani vane makadhi emunamato, kwese nemuchivakwa mose, uko ngationei maoko enyu. Hongu, takakuvimbisai, zvino tine hafu yeawa kuti tiite kuti izvozvo zvinge zvakanaka. Ndichakumbira . . .

²⁹³ Tingazvifambise sei izvi, Hama Pearry. Munewo mamwe mazano here? Kubva kudivi riri neche *kuno*?

²⁹⁴ Regai mutsara *uyu* apa uri neche kunze, vane makadhi emunamato, mirai nemadziro, endai kunze neche *uko* zvino momira nemadziro. [Imwe hama inotaura neHama Branham pamusoro pemutsara wekunamatira—Mupepeti] Zvakanaka, changamire. Izvozvo zvakanaka. Mirai neche kune divi *iro*.

²⁹⁵ Vose vari kubva pakati apa, kubva . . . zvino imi mirai munofambwa nevanhu, munoono. Imi ingomirai munofambwa nevanhu, avo vari umu munofambwa nevanhu, kana kuti, yepakati pano apa, mirai umo munofambwa nevanhu.

²⁹⁶ Avo vari kune divi *iro*, mirai kune divi *iro*. Avo vari muno, mirai pano pakati, kune divi *iri*. Uye avo vari kune divi *iro*, mirai apo. Uye ingoteverai nemumitsara yenu painenge ichiuya. Ndizvozvo. Vachange vari zasi ikoko vachikuudzai zvekuita.

²⁹⁷ Ndiri kukumbira . . . Izvi zvakanaka, Hama Pearry? [Hama Pearry Green vanoti, “Chokwadi.”—Mupepeti] Ndiri kukumbira vashumiri vanotenda muna Kristu, kuti Kristu achapodza vanhu ava vanorwara nenzira yekuturika maoko uye nekutevera mirairo yaKe, ndiri kukukumbirai kuti muuye kuno muzomira neni kana muchitenda kuti ichi iChokwadi. Chero mushumiri weVhangeri, kana uri muMethodisti, Baptisti, Presbyteriani, Lutherani, muprisita weKatorike, chero chipi chauri; kana uchitenda kuti Jesu Kristu anopodza varwere, uye kuti akatumia

vadzidzi vaKe kuti vaturike maoko pane vanorwara, kuitira kupodzwa kwavo, ungauya pano here?

²⁹⁸ [Imwe hama inoti, “Udzai munhu wese kuti aende kumashure.” Hama Pearry Green vanoti, “Munhu wese anoda kunamatirwa, angaenda here kumashure.”—Mupepeti]

²⁹⁹ Zvino endai kumashure motevera muchipoterera, munoona. Vose vari mumitsara iyi zvino, endai kumashure chaiko munotora nzvimbo yenu, teverai muchipoterera nenzira *iyo*, uye zvadaro moenda kumashure chaiko kunzvimbo dzenyu zvekare, zvakangorongeka sezvazvinogona kuve.

³⁰⁰ Handizive, hama, kana zvaiva nani taidzika zasi uko? Ndinofunga kuti ipfungwa yakanaka. Zvino, zviri nani kusiya maikirofoni iyi pano. Regai... Roy, iwe mira pano pamaikirofoni. Kana kuti, hongu, zviri nani kuti udzike zasi neni, uri kuona. Hongu. Kana kuti, kunze kwekunge uchida kumira pano. Zvakanaka, Roy, iwe chimira pano zvino. Zvakanaka.

³⁰¹ Zvino mavva kuenda. Zvino ndinoda, ngaparege kuva neanoenda, ndapota. Munoona, icho chinhu chaicho chatanga tichinamatira!

³⁰² Zvino imi moti, “Hama Branham, ko sei maunza vashumiri vose ava kumusoro kuno?” Ini ndiri kunyatsouya pamwe chete navo. Asi ini...

³⁰³ Munoona, zvazviri, vane kodzero yakakwana yekunamatira vanorwara seyandinayo, kana chero ani zvake anayo, zvimwe chetewo saOral Roberts kana—kana chero hofisi ipi zvayo, hazvinei nekuti anombova ani. Ivo vane kodzero yakakwana yekunamatira vanorwara saPetro, Jakobho, Johane, Mateo, Marko, Ruka, yaiva nachero ani zvake wavo. Ivo vashumiri, vakadanwa naMwari. Zvaitika kuti ndiri kuona hama mbiri kana nhatu imomo dzandinoziva, dungamunhu, vane shumiyo yekunamatira vanorwara.

³⁰⁴ Zvino apo pamuri kuzvironga mumutsara neche kuno, ndinoda... Vangani muungano ino vanyatsogsikana zvakakwana, nemwoyo wenyu wose, kuti munotenda kuti kuda kwaMwari kupodza vanhu ava. [Ungano inofara uye yoti, “Ameni.”—Mupepeti] Chokwadi, ndiko. Zvirokwazvo, kuda kwaMwari kuvapodza.

³⁰⁵ Zvino vanopodzwa sei? Zvino, dai iYe aive pano, pachaKe, Iye haaiita zvinopfuura izvo zvaAita iye zvino. Munozvitenda here izvozvo? [Ungano inoti, “Ameni.”—Mupepeti] Izvo zvaAtoita zvino, ndizvo zvaAnozoita, nekuti ndiYe mumwe chete zuro, nhasi, nekusingaperi.

³⁰⁶ Vangani vanoziva kuti Mutsvene Johane 5:19 inotaura izvi, “Mwanakomana hapana chaanogona kuita pachaKe”? Vangani vanozviziva izvozvo? [Ungano inoti, “Ameni.”—

Mupepeti] “Asi izvo zvaAnoona Baba vachiita, ndizvo zvinoitawo Mwanakomana.” Munozvitenda here? [“Ameni.”] Saka, Jesu haana kumboita chishamiso chimwe chete kusvikira Baba vaMuratidza, kuburikidza nechiratidzo, izvo zvekuita. Iroro iShoko raKe pachaKe. Kana zvisiri izvo, saka tose takarasika, hatizive patiri. Hezvoka izvo. Munoona, Mashoko aKe haakundike.

³⁰⁷ Tarisai kwaAri achipfuura, nepadziva reBetedha, maawa mashoma...zvingaite awa kumashure kwacho. Paive parere mhomho huru yemhetamakumbo, mapofu, vakaremara, vakaunyana mutezo. Vangani vanoziva kuti ichocco ichokwadi? Uye haAna kumbobvira abata chero mumwe wavo, kunyangwe hazvo Aiva Mwari anonzwira. Munotenda here kuti Ainzwira? [Ungano inoti, “Ameni.”—Mupepeti] Achisiya amai vaye, vaiva nemwana mucheche ane musoro-bhangu; baba vaye vekare vanonzwisa tsitsi vaiva bofu, vachidaidza mumwe munhu, kuti avaise mumvura painenge yabvongodzwa. Mwari anonzwira! Maona?

³⁰⁸ Vanhu havazive kuti kunzwira chii. Ivo vanosanganisa rudo *rwefiriyo* nerudo rwaMwari; rudo rwuviri rwakasiyana, zvachose. Kunzwira chinhu chimwe chete; zvishuwo, kunzwira, zvakasiyana.

³⁰⁹ Asi, tarisai, Akaenda kune murume aiva zvichida nedambudziko reprostate, kana kuti zvichida yaiva TB. Rakanga richisina simba; akanga ava naro kwe...a—aiva—aiva makore makumi matatu nemasere ayo aakange ava naro. Rakanga risiri kuzomuuraya. Zvino Akaenda kumurume uyu, uye Akati, “Ungaporeswe here?” Vangani vanoziva kuti ichocco ichokwadi? Uye akasiya vamwe vose veungano vakarara ipapo.

³¹⁰ Ko dai Aita izvozvo muBeaumont, nhasi? “Oh, ini zvangu! Hapana zviripo pakupodza kwaMwari, saka, muri kuonaka.”

³¹¹ Munoona, havanzwisis. Jesu mumwe chete zuro, nhasi, nekusingaperi. “Hapana chandinoita kusvikira Baba vaNdiratidza kutanga.”

³¹² Asi vanhu vakawanda vakangorara mumumvuri waKe, uye vakapodzwa nekutenda kwavo. Mumwe mudzimai mudiki akabata hanzu yaKe uye akapodzwa. Vangani vanozviziva izvozvo? Kupodzwa kwakazembera pakutenda kwako. Kuratidzwa kwaMwari kwakazembera pavimbiso yeShoko raKe, asi kutenda kwako mukuratidzwa kwaKe ndizvo zvinokupodza. Kana ukasadaro, hazvinei nekuti, munhu mutsvene-tsvene pane vose pasi rose anokwanisa kumira pano uye onamata zuva rose, hazvizomboita zvakanaka nepadiki zvapo kusvikira wazvitenda, zvine simba, pachako. Jesu anokwanisa kunge akamira pano pachaKe, ari mumutumbi chaiwo, oisa maoko pauri, uye zvakadaro haumbopori. Vangani

vanozviviza izvozvo? “Mabasa mazhinji makuru haAna kukwanisa kuaita nekuda kwekusatenda kwavo.” IGwaro iroro.

³¹³ Saka, muri kuona, imi muri mumutsara wekunamatirwa, kunofanira kuve kuri kutenda kwako muShoko. Zvino kana mukaona Mwari achiita izvo zvaAkaita... Tarirai, regai ndingopa kachapupu kadiki kamwe chete apo pamuri kugadzirira. Nyatsoteerera. Husiku hwemarimwezuro...

³¹⁴ Pane mumwe mushumiri wechidiki pano pane imwe nzvimbo. Ndamuona pano, nguva yapfuura. Martin ndiro raiva zita rake. Ndakanganwa... Ndemumwe wevakatsigira nemari. Ipo *pano*.

³¹⁵ Zvingada kuita pakati peusiku, pedyo napo, mumwe munhu akandimutsa mukamuri yangu. Mumwe muchinda mudiki akanga achichema, mumwe mushumiri mudiki, mwana wake anga achangofa. Misodzi ichiyerera pachiso chake.

³¹⁶ Iye ari kumusoro uko chaiko pane imwe nzvimbo muno... Zita reguta ravanogara rilonzi ani? [Mumwe munhu anoti, “Missouri.”—Mupepeti] Missouri. Kumusoro kupi? [“Wardell, Missouri.”] Wardell, Missouri. Ndinoziva mukomana wacho. Ndinoziva mukoma wake ari panowo, zvakare. Ivo ishamwari dzangu.

³¹⁷ Hama iyi yakafamba ichipinda imomo nemisodzi ichiyerera pamatama, ikati, “Hama Branham, ndangofonera... Mudzimai wangu achangobva kundifonera. Mwana wangu mucheche angomira kufema.” Iye akaisa maoko ake pandiri, akati, “Hama Branham, ndinotenda kuti Shoko raShe rinemi.” Oo, ko sei Mwari... Sezvakangoita, “Kunyangwe zvino, Ishe! Dai Manga muri pano, hanzvadzi yangu ingadai isina kufa.” Maona, akanga asiri kupupura kwandiri. Akanga ari kupupura Shoko raShe, muri kuona, kuti ndakanga ndiri kuperidza Chokwadi. Iye akati, “Ndinotenda kuti Shoko raShe rinemi. ChingoMukumbirai; mwana wangu achararama.” Mumaminitsi gumi kubva ipapo, mwana wavo akanga ava kufema zvakanaka, mutano zvino.

³¹⁸ Mwanakomana wangu amire pano pane imwe nzvimbo, Billy Paul, akanga aenda kunze kunotaura naye. Uye ini ndakanga ndiripo ndiri munhumbi dzangu dzekurarisa. Zvino kwapera maminitsi mashoma akadzoka, akati, “Baba, Baba, tarisai apa!” Uye huro yake yakanga yazvimba kwose, uye yakatsvuka, uye chi-chivanga chaiva denderedzwa rakakura kwazvo zvingada kudai. Akati, “Buwebuwe rakakura rinotaridzika kuva dema rine chidzvanga chitsvuku pariri! Ndanga ndakamira apo, ndanga ndichitaura naJohn, ndokubva randiruma ipapo. Zvino tarisai ipapo, pari kuzvimba.”

³¹⁹ Ini ndikati, “Oo, Billy, black widow, zvichida.” Zvino ndikati, “Tarisa pahuro yako, kuti yazvimba zvakadii.”

³²⁰ Ndakaisa ruoko rwangu ipapo, ndikati, “Ishe Jesu,” mumaminitsi gumi kubva ipapo pakanga pasisina kana...

wakanga usingachagoni kuona kuti vanga racho ratombenge riripo. Maona? Chii ichocho? Maona?

³²¹ Mumwe munhu akauya rimwe zuva akati, kuhofisi, uye mumwe, wemuhofisi, ndokubuda, uye akati, "Taurirai Hama Branham kuti vangotaura kuti mwana wangu..." Akati, "Ndinotenda kana...zvamunozotaura." Asi, munoona, handigone kuzvitaura kusvikira iYe andiudza.

³²² Asi pano ndine Shoko rinotaura izvi, "Zviratidzo izvi zvichatevera avo vanotenda. Kana vakaturika maoko avo pane vanorwara, vachapora." Zvino, Mwari havakwanise kuita zvinhu izvozvo uye vokusiya wakamira ipapo. Unofanirwa kuti...ukatenda chinhu chimwe chete, chichaitika kwauri. Asi unofanira kuzvitenda, kwete kungozvinyebera. Unofanira kuzvitenda.

Zvino ngatinamatei, kutanga, pamwe chete.

³²³ Ndinoda kuti mumwe nemumwe wenyu mese...apo hama dzakamira pano pamaikirofoni ino. Ndiri kuenda zasi uko kuitira kuti nditurike maoko pavariwo, zvekare. Ivo vanhu vangu, ivo ndevangu...Ivo inyeredzi mukorona yangu, zvimwe chete sezvavari mukorona yenu, hama dzangu vashumiri. Ndiri kuuya ikoko nekuti tinovada, uye ivo vana vaMwari. Tiri kuuya kuzovabatsira.

Zvino ngatinamatei.

³²⁴ Ishe Jesu, munhu anogona kuti Hupo hweNyu hausi pano, anozo...panofanira kunge pane chakakanganisika nepfungwa. Sezvakangofanana nemunhu uyo anoramba kugamuchira chiedza chezuva; mumwe munhu amuudza kuti zuva riri kupenya, iye anobva amhanya achidzika mubhesimendi zvino obva avhara mukova, uye otu, "Ndinoramba kuzvitenda chete! Ndinoramba kuzvitenda!" Saka, tinobva taziva, Ishe, kuti chimwe chinhu chakakanganisika nepfungwa dzemunhu iyeye. Uye ndizvo zvimwe chete zvinoitwa nemunhu anopfiga tsitsi dzake, muChiedza cheShoko raJesu Kristu chiru kuratidzwa, obva ati, "HandiZvitende," pane chimwe chinhu chakakanganisika pamweya nemunhu iyeye.

³²⁵ Saka tinoziva kuti Muri pano, Baba. Pasina kana kupokana, tinozvitenda. Tinoona matsimba eNyu—eNyu. Tinoona zvinyorwa zveNyu. Tinoona Shoko reNyu.

³²⁶ Pane mazana akamira pano mumutsara uno wekunamatirwa. Uye varume vaMwari vakanaka vakamira pano, mhare huru dzeKutenda; ndiri kufamba kuenda zasi kunoisa mapendekete angu pamwe chete neavo, Ishe. Apo vanhu ava vanorwara pavanopfuura nemumutsara wekunamatirwa uyu, dai mumwe nemumwe wavo aziva kuti hakusi kungopfuura nepane vamwe varume. Vari kuuya nepasi peMuchinjikwa wevimbiso. Dai vaenda vachibva pano vapodzwa, voenda vachifara, vopora; vonotaurira mufudzi wavo.

Dai izvozvo zvakonzeru rumutsiriro rwebare kuti rwuitike, rwuchidzika zasi kwese nemunyika idzi, Ishe, rwugounza mwuya yakawanda kwaMuri. Ishe, ivo ndeveNyu. Vabatsirei. Vapodzei, ndinonamata, muZita raJesu Kristu.

Ndinoda munhu wese zvino nemisoro yenu yakakotamisa, muchinamata.

³²⁷ Uye ndinoda, apo pamuri...Teerera, mutsara wekunamatirwa zvino. Apo paunopfuura, sekunge wanga uri pasi peMuchinjikwa, tenda nezvose zviri mauri. Enda uchibva pano uchipembera, uchifara, uchiti, "NdinoKutendai, Ishe. Ndinotenda kupodzwa kwangu." Zvino kana usingatende izvozvo, saka zvakangonaka kuti ungogara hako pasi, nekuti hazvikuitire kana chinhu chimwe chakanaka.

³²⁸ Ndinoda kuti ungano yese, munhu wese, kuti mungozadza Denga, saizvozvo, muHupo hwaKristu, "Ishe Jesu, zvizivisei pacheNyu kwatiri zvino! Podzai vanorwara!" Muchazviita here? [Ungano inoti, "Ameni."—Mupepeti]

Hama Borders, apo pamuri kuimba, *Tenda Chete*.

³²⁹ Siyai iyoyo pano. Hatisi kuida. [Imwe hama inobvunza pamusoro pemaikirofoni, "Muchaisiya pano here?"—Mupepeti] Hongu.

³³⁰ [Hama Branham nevashumiri vanoenda zasi zvino uye vonamatira munhu wese anouya nemumutsara wekunamatirwa, apo Hama Roy Borders vanotungamirira ungano mukuimba *Tenda Chete*. Chibenga chisina chinhu patepi—Mupepeti]

Tenda chete!

³³¹ Ngatisimudzei maoko edu zvino.

Zvinhu zvose zvinogoneka, tenda chete.

Iye zvino ngatizvitaurei sezvizvi:

Zvino ndinotenda, oo, zvino ndinotenda,
Zvinhu zvose zvinogoneka, zvino ndinotenda,
Zvino ndinotenda, oo, zvino ndinotenda,
Zvinhu zvose zvinogoneka, oo, zvino
ndinotenda.

³³² Kusvikira ndasangana nemi zvekare, ndinoda kubva muTexas ndichivaona vachidanidzira kurumbidzwa kwaMwari. Ngatingosimudzai maoko edu tipe Mwari kurumbidzwa, mumwe nemumwe wedu. [Ungano inodanidzira nemufaro ichirumbidza Mwari—Mupepeti]

³³³ Ishe Jesu, tinoKutendai nekuda kweShoko reNyu, izvo zvaMatiitira. NdinoKutendai, nekuda kwekukwanisa kutaura kune vanhu ava vakanaka, uye nokuona simba reNyu nemaropafadzo pamusoro pavo. Varopafadzei, Ishe. Dai vakanzwisisa. Uye dai Mweya Mutsvene wapodza munhu wese uye nekuponesa munhu wese, mumazuva ano ekupedzisira.

Kuburikidza neZita raJesu Kristu, Ishe, ndinovaisa kwaMuri
kuva zvivakiso zveMwenga, nekuti vari kutenda kuburikidza
nenyasha dzaMwari.



RUNZIRO SHO64-0315
(Influence)

Mharidzo iyi neHama William Marrion Branham, yakaparidzwa kwokutanga neChirungu Svondo masikati, Kurume 15, 1964, paMunicipal Odhitoriyamu muBeaumont, Texas, U.S.A., yakazotorwa kubva patepi yakarhekodwa ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice Of God Recordings.

SHONA

©2020 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org